

國民義勇軍  
遼東總指揮

李春潤抗日殉國紀實



國民義勇軍  
遼東總指揮  
**李春潤抗日殉國紀實目錄**



**照片**

**一 鐵證**

- (一) 從倭文書報上所見李部抗日實況
- (二) 從倭軍事翰上所見李部抗日實況

**二 小傳**

**三 起義**

附李春光部舉義事略 附王紫宸部舉義事略

**四 洽軍**

- (一) 編制
- (二) 訓練

李春潤殉國紀實目錄

MG  
K825.2  
340

附軍事研究委員會章程

附對部屬講演詞

- (一) 新賓舉義誓師典禮講詞
- (二) 通化軍事會議演
- (三) 新賓追悼會致詞
- (四) 九一八週年紀念演說詞
- (五) 窟窿山誓師
- (六) 馬家堡子講詞

## 五 施政

- (一) 維持治安
- (二) 復興教育
- (三) 組織民衆
- (四) 聯絡韓僑
- (五) 設兵器廠
- (六) 開採礦產
- (七) 整理財政及稅收
- (八) 成立支應局

## 六 遭變

- (一) 黃海脫險情形
- (二) 準備回防工作
- (三) 大連慘案真象

## 七 戰史上

(四) 張北被難經過

(一) 新賓血戰

(二) 鳳城鏖兵

## 八 戰史下

(一) 紅旗街之役

(三) 東上坡之役

(五) 除里溝之役

(二) 龍王廟之役

(四) 謝家嶺之役

(六) 大李家堡子之役

## 九 殉難

(一) 塔溝空前血戰

(二) 壯烈殉國

(三) 精神不死

## 十 遺蹟

李春潤殉國紀實目錄

- (一) 致某同志書(二十一年六月二十七日)
- (二) 再致某同志書(二十一年六月二十九日)
- (三) 告海內外同胞書(二十一年七月十日)
- (四) 電全國各將領(二十一年七月十五日)
- (五) 上某要人書(二十一年八月十九日)
- (六) 呈某救國團體文(二十二年一月七日)
- (七) 告留察將士書(二十二年四月十五日)

李總指揮春潤遺像



東渡前在北平攝





李春潤及其眷屬合影由右至左

1. 長子李樹人  
2. 李春潤

3. 李太夫人(携孫女小鍊)  
4. 夫人白氏  
5. 次男二成  
6. 長女淑貞

李總指揮春潤之家庭



李總指揮殞前留影



李總指揮受創後X光照臀部留影







李烈士部下大連慘案



(上)殉難  
之第四梯  
隊司令官  
孫耀祖



(上)殉難  
之第三梯  
隊司令官  
李振山

(下)殉難  
之特種隊  
長  
齊洪治

(下)殉難  
之通信隊  
長  
張在軒



(上)脫險之第一梯隊司令官劉克儉





遼寧民衆自衛軍第六路司令部公用箋

夫子大人鈞鑒遠矚

丰采時切葵傾敬維

籌祺安燕

勳望日隆為無量頌

春潤

等舉事以來瞬經兩

月關於編制隊伍籌劃軍實改良補救殊費周章在此兩月之間三次作戰雖械彈缺乏而士卒用命萬眾一心周旋戰場誓死不渝最後日軍來攻縣城我軍奮不顧身殺敵數十人包圍五日敵軍始抵清原







實沛司令仁元勳產 貴代表來訓藉悉 台端即日  
 不惟異常進履忠肝義胆至深欽佩惟願山阻關閉  
 出定連絡目前匪易但宗旨既趨輾轉地自能成心精神  
 陣結當尤愈于形式而今已至最後決戰之時東北存亡  
 在此一舉吾人生命以是懸決惟望乘機奮門連台各  
 身友軍一致揮蕩同張鐵伐以竟底功而殲醜類是所  
 盼禱茲派嚴粹中校 蔡謀蕭宴如前往連絡至祈 諸  
 示一切所有詳細情形統由該員面達可也 此致  
 頌 勳社 愚弟馬占山拜啟 十月二十四日





王殿忠部三百餘人在此境者約有二百餘人... 董國華部則散駐寬甸... 王殿忠部三百餘人在此境者約有二百餘人... 董國華部則散駐寬甸... 王殿忠部三百餘人在此境者約有二百餘人... 董國華部則散駐寬甸...

李總指揮向關內密報之一種

# 國民義勇軍 遼東總指揮李春潤抗日殉國紀實

## 一 鐵 證

國民義勇軍遼東總指揮李君春潤者，出身軍佐，獨異儕輩，誓志抗日，貫徹始終。自去夏倡義新賓，號召同志，歷充遼寧自衛軍第六路司令東北義勇軍第三軍團總指揮，莫不獨任方面重任，使倭寇不敢輕視。迨至倭軍大舉脅迫，轉戰新賓鳳城之間，義聲所播，響應者衆，厚植實力，延續至今。今歲夏秋之交，李君在安東鳳城一帶，率其部衆與倭寇奮戰，歷時數月，屢挫敵鋒。後卒以勢孤無援，犧牲過鉅，迨至八月中塔溝之役，應戰尤烈，君更身先士卒，與敵肉搏，不幸負傷甚重，始移內地就醫，卒以不治殉國。嗚呼！若李君之義勇，真可謂我東北民族英雄者矣！若李部之義勇，真可實我民族光榮戰史者矣！

李君既歿，與李君共生死之同志，於沉痛回憶之後，始將李君兩年來抗日血戰經過，輯述顛末，而囑子曰爲之編次付梓，藉爲傳信之錄。子曰受稿讀之，確認李君兩年來出生入死之悲壯義烈，已可與日月星辰同其永久，固不待有文字之記載而始傳也，亦不待吾輩爲之表彰而始信也，已將置之矣。願一轉念間，乃慨然曰：當今之世，處今之時，固有難言者矣！何則？自國難發生



以來，關內外自稱義勇軍而以抗日救國相呼號者固所在多是。然而，一究其實，其行動之不盡合於「義」或「勇」，其結果甚且反於「抗」或「救」者亦時有所聞。蓋是非真偽之不易辨，當莫過於今日所混稱之義勇軍與抗日救國者矣。若李君之義勇，若李君之抗日救國，其有異於是乎？其無異於是乎？又烏可不辨！然則，憑真確之史料，作忠實之記述，以爲李君傳信之錄，又烏可以已乎？

抑尤有進者。李君義勇實蹟，固不止君之同志知之，即君所不共戴天之倭寇亦知之，李君傳信之錄，固不止君之同志欲述之，即君所不共戴天之倭寇亦有述之者也。爰就倭文書報文件所述足資徵信者彙譯一二，冠於編首，於李君義勇實蹟雖僅可窺見一斑，然而，已大可作爲李君傳信之鐵證矣。

### (一) 從倭文書報上所見李部抗日實況

九一八後，東北各地義軍蜂起，抗日戰報雖倭字新聞亦日不絕書。遠姑不論，即自去夏以來，所謂「三角地帶討匪情報」每在「滿洲日報」或「大連新聞」（均係在大連發行之倭字新聞，銷路之廣爲東北倭報之冠。）特闢專欄記載。今歲七月以後，該兩報對彼所謂「三角地帶匪況」，對彼所謂「匪首」李春潤也，李子榮也，鄧鐵梅也，李景文也，於其抗日活動情報，刊載尤極詳盡。至定期刊物如「滿洲評論」者，係事變後倭人在大連所發行惟一宣傳之代表刊物，（係週

刊)而對於去夏今春我義軍之活動亦多所記載，關於所謂「三角地帶」之「匪况」則更詳焉。茲故分別撮譯其與李君抗日戰事有關者如左：

(一)關於去夏今春之記載 「滿洲評論」第四卷二十三號起連續所載「奉天省之匪賊」一文中，述及安奉地域情形有曰：「所謂「三角地帶」係指奉天以南之滿鐵本線、安奉線及由旅大租借地連莊河南海岸之線，在三線以內之地而言，大體包有本溪，鳳城，岫岩，安東，莊河等縣之地。此地域山嶺重疊，西北越千山有數道可通遼河下流地域與東北文化不開，交通不便的東邊道相連，南方由莊河沿海各河口可經帆船通山東。此一帶土著官民，地方觀念甚重，兼有會的勢力流行，更加上受外圍的影響，自然容易形成反日「滿」的武裝團體。

在去冬「剿匪」以前，此地域有下述之三大勢力：

(1)鄧鐵梅派，事變前鄧充鳳城縣公安局長兼公安大隊長。本溪第二區磨石村人，原名鄧泰來(四十八歲)。與北平秘密連絡，充東北義勇軍第二十五軍司令。根據地在鳳城第三區龍王廟。所有鳳凰城，鷄冠山西方地域，岫岩路境大營子，尖山驛一帶，莊河安東部地方，皆在勢力範圍內。團長爲李福田，李慶盛等，有衆五千，迫擊炮，機關槍亦備。在龍王廟有士官養成所，尖山驛設兵器修理工場。徵收租稅，發行紙幣，強制通行。

(2)劉景文派，舊充岫岩縣長，事變後充東北民衆救國自衛軍第五十六路司令委任莊河縣



公安隊長邱良忱、姜鳴九等爲旅長。糾合舊有公安隊自衛團以岫岩爲中心，擁四千之衆，成獨立局面，以反「滿」抗日。

(3) 李子榮派，李原名春光，鳳城第六區雙廟村人，中學畢業。事變後充東北民衆義勇軍第三十五路司令，以鳳城縣南部老虎洞爲根據地。勢力波及滿鐵安奉線之高麗門，湯山城南方，鳳城縣黑土坎等地以及鴨綠江沿岸。與長山好等數人相聯絡，有兵器修理場數處，發軍用票，徵收租稅，有衆四千。一部經「討伐」後，加入新賓縣李春潤一派。

以上三派勢力，皆由海路供給兵器彈藥，積極擴張勢力。並與地方舊有之大刀會，紅槍會等秘密結社；懷柔利用，增加勢力不少。其由山東方面引入之大刀會，紅槍會等首領，從事宣傳訓練，煽動愚民，歷時數月大多數農民也就加入反「滿」勢抗日武裝團體矣。

安奉鐵路一帶「匪」勢，自去歲十二月中旬，「匪」禍猖獗，經日「滿」軍的痛「剿」，始行消滅。當時「剿匪」部隊，除日「滿」軍警外，海軍空軍亦參加包圍攻擊，頑強「匪」羣，雖然負有天險，卒被擊破潰散。最可惜者，因爲各部隊過於急進之結果，致未能一網打盡。即：鄧鐵梅突破重圍，逃往鷄冠山西「方六台門」方面的副頭目中李慶盛投降歸順。

劉景文逃往大洋河上流哨子河附近。其部下邱良忱，姜鳴九（「匪」名護國）等遁入一面山山寨中。李子榮一派由東邊道回李春潤去山東，後潛退隱於遼河下流地域。李純華，王荃一，靠天等

再經千山越南滿線歸故地。如此在嚴冬之際，所有「匪軍」均散入田野，化爲農民。

今年春，鄧鐵梅，劉景文，李子榮等殘餘「匪首」，反「滿」抗日運動，再開始活動。取道山東芝罘經由舳板入大洋河口之李春潤部下，因得有後援，乃再謀恢復三角地帶從事活動。更分數組由大連東後經本溪湖警署及大連水上警署逮捕多人。其由他方海路潛入的部下與兵器彈藥，頗可使安奉地域內的形勢不穩。」

又述及東邊道地域情形則曰：

「九一八事變後，此一帶地方中國軍隊有一部分解體，所以東邊道鎮守使署第一團（衛隊團）團長唐聚五，乃高揚救國職，聯絡地方軍民及各方活動分子，以通化爲中心而成一抗日獨立之局面。唐聚五抗日計劃，係與北平最高當局聯絡，且受北平救國會的援助，故在通化組織救國委員會，以啟明學校校長王有文爲委員長，並設立各機關，實行徵收捐稅。當時唐之部屬如左：

自衛軍總司令 唐聚五 司令部設通化 第六路司令 李春潤 舊爲第一團營長 第三方面軍總指揮李春潤以新賓爲根據地

前述此一帶「匪類」之特點，即多與會匪及舊政權時代之軍警有關係，此點與安奉地域（三角地帶）最爲相似。至軍警之所以多致匪化原因，實由於唐聚五爲東邊道鎮守使所信任之衛隊團長，而李春潤與孫秀岩等，亦係舊東北軍之官佐其他司令等非警察局長即警察隊長。

(二)關於今歲夏秋之記載 自七月間李君由平東歸，重整旗鼓，再與倭軍抗，影響所及，各地潛伏之義軍多聞風而起，至使倭軍不得不大動干戈，認爲特別嚴重，試一披讀「滿洲日報」，「大連新聞」連續刊載，頗可見倭軍之應付極形艱困，而李部之活躍亦可推想一斑矣。惟該報所載，關於倭軍者既多隱諱，關於我軍者尤惡意宣傳，固無足怪。(如在八月初戰事劇烈時期中，雙方傷亡自必甚衆，敵我相較，亦必不至相差過鉅。乃兩報所載倭軍每次傷亡至多不過一二人，而我軍則恆及十百，已不可信。果爾，據李部獲得倭軍書翰所記，八月十二日富田茂函則曰：「予屬部隊中，用白布掩蓋之戰死遺骸，每戰必有。」水谷義松則曰：「敵軍：對我頑強抵抗，以致我軍死傷者達十餘名。」參閱下段倭軍書翰全文)然祇就此片面之記載固已大可證明李部抗戰之勇與犧牲之大。爰參照兩倭報自七月初以來所載李部抗戰情況撮譯於左，國人倘亦欲明瞭李部抗日實況者乎，幸注意及之。(爲存真計均按原文語氣譯出讀者辨之)

七月四日：『去歲在安奉沿縣肆擾之張永財部，頃又與李春潤鄧鐵梅聯合在本溪出動，日「滿」軍警決澈底討滅，一日晨出發。』又：『在三角地帶被擊潰之劉景文部，最近在莊河縣四區仙人洞甲皮溝等地強制募兵三千餘名。』

七月七日：『奉天電話，潛伏中之三角地帶「匪首」李子榮，刻因有那某等三名，內一名係女性聯絡，新由平携來多金，遂集合鳳城縣自衛團員及部下馬某「匪首」海蛟平東等數人共策組織

聯絡蒐集情報方法，準備高粱繁茂期到，即行活動。最後決定以海蛟先鋒隊開始活動。當局得此情報後，四日安奉地區及安東警察隊即與日軍協同出動阻止矣。」

七月十一日：『安東電話，六日「匪徒」襲湯山城車站，該站保線區員蘇長錄傷亡。九日夜「匪首」海蛟又率衆百五十人在車站南三百米處前來圍攻，警官隊自警團協力奮戰始擊退。』

七月十三日：『奉天電話，日「滿」軍對東邊道殘「匪」實行大討伐，自六日即開始出動。計安東爲酒井部隊，鳳凰城爲松崎部隊，撫順爲金石部隊，……』

七月三十日：『三角地帶殘「匪」最有力之「匪首」李春潤，近受……賚給，於二十三日歸來鳳城第六區楊木溝村，召集舊部，企圖擾亂。……』

七月三十一日：『近據牒報，在鴨綠江口大東溝下流北井子江岸，有「匪」衆約三百餘，攜帶武器彈藥上岸。安東署谷本警務主任乃率員○○名携精銳機關槍於二十七日乘鎮江丸出發，……』

八月二日：『近接情報，「匪首」李春潤將在鴨綠江口大東溝附近海岸密運軍火上岸，安東憲兵分隊長金谷鏞一少佐，渡邊通譯及安東警察一隊，急遽在附近偵查情況，刻已歸來。據云：「賊團」已聞風逃走。「匪」數約有數百係由安東第四區二道溝向鳳城第三區方面。二十七日自朝至暮，在窟窿山海岸有帆船二隻載相當軍火上岸，並在附近村中徵發車馬，向大柞木山子方面移動。……』



八月三日：『日「滿」軍對現在鳳城西南方紅旗街及龍王廟附近之「匪」，自三十日以來各方即開始討伐。』又：龍王廟警備中之連山關獨立守備隊第○隊之今村部隊，在三十一日午前五時半與具備多數迫擊砲機關槍之優勢「匪」軍的七百人對抗，歷四時許「匪」如不支，是役今村部隊一等兵中塚茂三郎負傷甚重。』又：『板津隊長指揮鳳城全部軍隊。「匪徒」襲擊三道浪頭，安東署一日夜令警官○○名出動。』

八月四日：『村瀨部隊指揮「滿洲國」軍於三十一日午後三時頃至龍王廟北方約一里之蒙古堡子擊破「匪」衆約三百人。李匪約五百在東上坡（龍王廟東北約一杆）東方山地築散兵壕，頑強抵抗，交戰約三時，互有損失，始將「匪」擊退。午後七時入龍王廟。此役我軍一等兵張貝久太郎負傷，「滿」軍一人戰死。日「滿」軍縱隊進擊，飛機亦協同助戰。……』又：『自接鴨綠江下流龍王廟「匪」警消息，駐屯大樓房之安東守備隊於一日午前四時半出發，八時半抵龍王廟東方二里之三道溝，與敵軍交戰，歷三時始擊退。一等兵會根益幸戰死。』

八月五日：『最近龍王廟一帶「匪」勢猖獗，安東海邊警察隊對于海岸嚴重警備。該隊第一號巡船由龍王廟東南方北井子歸安東途中，於二日午前二時遭暴風雨，當三道浪頭附近難航中，遇「匪」二十人，交戰二時，船員死一，負傷二。』

八月六日：『一日晨，龍王廟東方三道崗附近與優勢「匪」軍激戰中。安東守備隊上等名會

根益幸之屍體及負傷之竹內和雄上等兵，本田建一一等兵，久保正司二等兵三人，於二日午後九時由汽船載歸安東。」

八月七日：「三角地帶」匪首「李春潤」李春潤李子榮劉景文海蛟等，依然憑據山險，向討伐隊抵抗。三日晚，據報「匪軍」在正藍旗堡子設司令部。龍王廟西大洋河右岸紅旗溝之北方有劉景文「匪」約五百，少南山馬家堡子臥虎山附近之高地，有李子榮「匪」約五百，正藍旗堡子三家子蒙古營子一帶，有李春潤「匪」約四百。鄧鐵梅「匪」由大洋河左岸地區由上流南下。各「匪軍」陣地均有立射散兵壕，皆係數月前之準備。在龍王廟某隊之大村赤城杉山高石各某隊等對「匪軍」完全包圍，期於四日拂曉三方開始總攻擊云。」

八月八日：「三角地帶之討」匪「戰，於四日拂曉，開始總攻，日「滿」各部隊密切聯絡，一致進攻。「匪」據天險，頑強抵抗，但勢將總崩潰云。」又：「據牒報，三日夜滿潮時，在小鹿島附近東兒山發現帆船三隻，載有軍火。恐係「匪」軍由海路逃走。旅順要港部之驅逐艦○隻，五日以大孤山沖之大鹿島為中心，對三角地帶沿海嚴重警備。」

八月十一日：「三角地帶之討」匪「軍，在板津中佐總指揮下，冒暑出沒山險，與兇「匪」追逐，「匪」多潰散。據傳劉景文與靠天聯合，在大洋河附近。李春潤七日晚率衆約三百在大房身大樓房附近潛伏。七日伊藤○隊與砲兵隊鳳城向白旗方面急進。支城支隊與伊藤聯絡，脅迫大

洋河。大村指揮之安東部隊在前小東溝寧河堡子以東之地，七日午向楊樹堡子急進中。」

八月十五日：「現經日「滿」軍討伐之東奉地區「匪首」李春潤鄧鐵梅等，擬於九一八紀念日襲擊安奉沿線各車站，現正在鳳城第三區窩路山附近計畫中，日「滿」當局接收情報，已從事嚴重戒備。」

八月二十一日：「據報，三角地帶區「匪」李春潤李子榮等被板津板隊之猛烈襲擊，死傷頗重，現已將軍火隱匿山間，部隊潛伏各地，該枝隊刻正努力掃除中。」又：「宮本部隊於十七日晨在鳳城第六區紅旗街東南二里德盛號之山間密林中發現迫擊砲三百發，小創（七，九米）七千二百發，機關槍彈一萬二千發，手榴彈五十發後，更積極向塔溝追進。八時李春潤李子榮指揮三百敵人携機關槍二門頑強抵抗，交戰多時。十時光川部隊來援，激戰尤烈，安東守備隊牛九勇伍長戰死。」又：「高石部隊十七日晨由龍王廟出發，經大李堡子向塔溝進行，與宮本部合力進擊佔據崗嶺西側高地之敵軍戰，死傷頗衆。上等兵松本清，二等兵相田和男及平間武雄皆戰死。特務曹長小濱儀平上等兵飛田義泰及藤治守三郎二等兵大內武男及山野四郎皆負傷。」又：「伊藤部部十七日晨向大東溝出發，至二道子溝過鴈飛所率五十敵軍，敵軍受傷頗重，計趙副頭目以下四十名皆戰死，鴈飛負傷。我二等兵羽島芳太郎戰死，山本孝軍曹，稻岡文二等兵宮下政治二等兵負傷。」

八月二十二日：『十八日宮地中隊進襲海蛟部在森林中獲得大宗軍火，占據三角地帶「匪團」之軍火庫。敵軍合力圍攻，猛烈異常。』

八月三十一日：『海邊警察隊海鳳，海龍，海光，海榮，海華，海王等新造艦及靖海，快馬，駿通，榮安等砲艦巡機船五隻，巡船十二隻；陣容充實，特別安東分隊對於三角地帶「匪賊」海上聯絡及軍火上岸，尤爲注意。在各重要口均貼出佈告。』

九月二日：『奉天電話，自去歲七月至今，調查「匪賊」出沒計五百八十九次，「匪」數達二萬一千六百三十人……多半在東遼道三角地帶。』

九月三日：『「匪首」李春潤經數次討伐，業已逃向北平方面，最近李子榮仍與鄧鐵梅聯絡，號召部屬，更謀再起』

九月十一日：『七月下旬李春潤由三角地帶大孤山東方海岸密運上岸之軍火，刻已判明係由威海衛僱用惠通行汽船公司所有之海寧號，外有帆船五隻密運，由大孤山青堆子夜間登陸。李春潤刻仍在關內奔走，籌款籌械，謀再起事，當局正嚴備中。』

九月二十日：『獨立守備隊步兵第〇〇隊，七月下旬以後在三角地帶討匪戰死之十一名，本日下午六時在鳳城縣練兵場舉行追悼會。』

十月五日：『去秋負向鳳城縣第六區刁窩堡子說降使命之發田鳳城參事官，西秘書，白井指導

官，劉通譯官，賀門及滕井等兩巡查部長六人，同時被害，現已在鳳城公園建紀念碑，即日舉行開幕式云。』

十月二十二日：『奉天電話，三角地帶「匪團」因高粱刈除，不得潛伏，已分向各地移轉。海蛟部於十八日夜襲安東長泡子，安東警隊於二十一日晨出動討伐。此外劉景文在岫岩，李子榮鄧鐵梅在鳳城亦均漸活躍。』

十一月十二日：『日「滿」軍對三角地帶積極討伐後，最近各「匪團」因軍火缺乏，已開始移動。岫岩之鄧鐵梅，大部隊已向安奉沿線活動，經白旗堡即將與鐵路沿線接近。在岫岩東北方之討伐軍已防止其前進。同時鳳城及白旗堡警隊亦於十日出動，在三道溝附近與「匪團」先頭部隊激戰中。』

十一月十三日：『鄧鐵梅率部隊二百人在老孫山發現。八日由大營子北通過鐵路向東移動。討伐隊接報後，即自大魚家堡子出發，計有安奉地區楊團長率步兵三連，騎兵一連急行，一方更由鳳城發出步兵二連警察隊及百旗警察隊三方開始攻擊。』

### (二) 從倭軍書翰中所見李部抗日實況

李部在鳳城陣地俘虜及牒報搜獲之文件極多，茲但就携平之倭軍書翰十數件中，擇其文義可辨識者譯出五件於左，而所述李部之抗日之苦戰已活躍紙上矣。



(1) 河上小隊鹿野長男八月四日日記 此日記計抄四函，均係寄發宮城縣栗原郡者，一致築鐵町千義助役，一致同地之小學校，一致若柳町大宮岸內，右所譯者乃致築館町鈴木孟之原函也。(插圖所稱即此函之首段可參閱)

『昨夜王家堡子宿營，今晨三時出發。山路崎嶇，道途黑暗，步行爲艱。是日予隨伊藤軍曹爲途中斥堠之一人，而在部隊之最前方。行約三里。(約十八華里) 由山澗內露出空房，我赤木支隊伊上小隊之重機關槍即於此進早餐。午前七時十分復由此出發，行約二三里許，即聞槍聲四起，當即變更隊形準備攻擊。我等斥堠八人，迂迴敵之右翼，旋得本隊命令，部署既定後始行進攻。敵人包圍我軍佔領陣地，齊向我軍射擊，未幾各分隊各佔領第一線高地。伊藤斥堠孤軍向前挺進，卒肉迫至敵軍主力所在地山嶺之下。

敵軍携有迫擊砲輕重機關槍，兵力約五倍於我(七百人)我河上小隊正擬進行佔領第三線之高地時，敵乃大放滾木雷石，致不得進。次我重機關槍分隊及迫擊砲分隊相繼前進，戰鬥乃益趨猛烈當第五輕機關槍分隊進至伊藤分隊之前後高地時，爲午前十時，乃戰事最激烈之時也。此時河上小隊長亦到，當時管原部隊所屬第五輕機關槍分隊之槍身發火，幸有第四輕機關槍趕到，伊藤分隊乃藉機隊之掩護，猛向敵陣衝出。此時敵軍全線正向第五第四兩輕機關隊猛射。忽見第五輕機分隊中之八重樫一等兵痛呼一聲倒地。我等乃由分隊領導前進，作手榴彈之攻擊。

敵亦拋擲手榴彈二十餘。予等七人(其中一人因傳命令不在)一齊向山頂敵軍壓迫，忽覺彈穿予背，一鐘時兩目眩暈倒地。待恢復感覺後，但見伊藤分隊六名受一百餘名之敵軍包圍正在混戰中，經七分始退去。時爲十一時四十分，此役凡歷四小時。(寄自鳳城縣大李家堡子回信鐵嶺)』

(2) 島川邦廣八月十二日寄島川一彥函 與此函內容相同者更有致朝鮮大邱步兵第八十聯隊第三中隊島川塚衛一函，原文譯左：

『自鳳凰城出發以來，迄今已逾十日，到處與携有優良武器之敵軍交戰。現在鳳凰城西方十里(約六十華里)地點警備。此次進擊，戰死一前途有望之下士候補者。予自鳳凰城出發之日感受風邪，一週間體溫達四十度，坐在馬車上進行，痛苦異常，現已全愈矣。(寄自安奉線鳳凰城西方十里大李家堡子警備隊)』

(3) 富田茂八月十二日寄富田清松函 原文譯左：

『我等勦匪出發以來，今已十二日，在三角地帶轉戰各處，屢遭劇烈戰事，時有傷亡。予屬部隊中，用白布掩蓋之戰死遺骸，每戰必有。』

(4) 水谷義松八月十三日寄妹尾隊長函 原文譯左：

『我等於本月五日受命由寬甸縣城出發，沿鴨綠江南下至三角地帶與赤城部隊協力進剿。現在高麗門西南約六里之大李家堡子與川上小隊共同担任警備。當地附近之敵軍爲李子榮海蛟等

，人數約一千，均携有有力之自動火器，對我頑強抵抗。以致我軍死傷者達十餘名。目下該部敵軍現在何處，尙不清楚。」

(5) 酒向保寄酒向廣函之一節

『……尤以八月三日與鄧鐵梅部隊之戰最爲激烈。該部約一千名，激戰之後我軍戰死一名，負傷三名，敵遺死體十餘。……』

## 二 小 傳

李君春潤字濱浦。其先魯籍，清初始宦遊遼東。乾隆間，遼陽總兵李成恩爲君先代。成恩奉召赴京師，中途病歿，曾受賜御葬。自後李氏漸離析，支裔或留瀋或旅京或徙至鳳凰城，故今之鳳城即君之故鄉也。君父玉祥，甫十餘齡即隨君祖天坤去柳河開拓農業，兼在社會服務。適光緒末，其地遭劉單子匪亂，人民不堪其擾。君父素孚鄉望，乃被地方公推操辦團練，親率鄉勇，指擢堵剿，遐邇賴以安謐。未幾玉祥公携眷南旋鳳城，君乃於光緒二十七年四月二十四日生於故里。君幼而穎異，頭角崢嶸。童時遊戲即喜弄刀槍擬戰，異於常兒。越四年君弟春光（即子榮）生。時玉祥公奉省委試辦鄉鎮警察，克盡厥職，成績斐然。君於此時已入小學肄業，聰明過人，師長多奇之。民國初元，玉祥公當選縣自治會董事，對於地方公益，竭力贊助，尤喜仗義疏財，終

年食客盈門，遇人有急難，傾囊相助亦毫無吝色。雖在晚年，豪興未減，排難解紛，幾於無日無之。輿情歡洽，人無間言。公平生治理田園，特饒興趣，墾起田宅煞費苦心。公卜居於鳳城之西河沿，負山帶水，形勢天成，復引水爲池，植荷養魚，別具風趣。在昔鳳城縣治即擬設於此，惜未實現。公平居教子，夙以篤學愛國，敦品勵行爲訓，君亦能刻苦自勵。迨肄業於奉天省立第二業範學校，造詣既深，精神煥發，遇有愛國運動，恒被推爲代表，英勇之氣，高出儕輩。民六畢業歷充小學教員，熱心教育，頗得好評。蓋君素承庭訓，沐浴家風，其成就固有自也。

君雄心遠大，目擊國事日非，亟思獻身軍事，以圖報國。乃於民國十一年投入暫編奉天陸軍第四混成旅步一團充司書。時第一次奉直戰起，即隨軍入關。明年該團改編爲東三省陸軍第八團。十一月由東三省陸軍軍士教導隊畢業，參加山海關戰役。十三年升充司務長，旋擢升少尉連附。十四年調升旅部少尉副官。同年七月經于芷山師長保升第四十八團二營上尉營附。八月間改入東北陸軍講武堂肄業。以其素質優越，每試則列前茅。十六年秋季畢業，雄姿偉略，尤盛負時譽，七月間已升任第八師少校參謀矣。惟君猶欲深造，乃更於八月間改入北平陸軍大學第八期肄業。旅奉陸軍第三十軍調充軍部少校參謀，任職兩月，仍回校復課。十七年六月升充第六十四團中校團附，參加平荆關戰役。是年玉祥公逝世請假回里治喪，翌年一月，任講武堂少校隊附。三月，調充東北邊防軍司令長官公署少校參謀。十月調歸第三十軍軍部充少校參謀，旋改作戰科指導

參謀十一月中俄開釁，君赴北滿參加作戰，惜未能大展所長，居嘗引以爲憾。十九年六月升充東邊鎮守使署中校參謀處長。時于芷山爲鎮守使極爲倚重。二十年八月十八日倭奴入寇，君適在遼陽，目覩慘象，義憤填膺，乃微服逃回鎮署，痛陳抗日救國大計。詎于芷山昏庸老朽，顧慮太深，未能採納。君不得已遂暗自結合同志，誓舉義旗。其時君已入中國國民黨爲黨員，故號召同志乃尤易也。

十月間君弟春光，已於鳳城故里，高揭義旗，得衆三千餘人。君於是年冬假出任遼寧陸軍步兵第三營中校營長之良好機會，在新賓防次即加緊軍事訓練，并示部屬以抗日救國之大義。力聯絡各縣同志，如劉克儉，王彤軒，孟昭春等，信使往還，咸通聲氣。而與其弟春光更南北策應，聲勢頗振。迨至三月二十一日王郁文等，組織遼寧救國會於桓仁，君亦係委員之一。事洩，于芷山委君以上校團長，卒不接受。四月二十一日唐聚五反正於桓仁，四方響應，君遂受任爲遼寧民衆自衛軍第六路司令。四月二十九日克復新賓，迭經血戰，賊氣爲奪。君既屢立戰功，旋充駐新賓副司令兼戰時第一方面軍總指揮。不數月所部直轄五路，達二萬餘衆。撫順清原等縣全境或局部皆由君光復，與諸同志抗禦強暴，剿撫萑苻，安輯地方，救國愛民，厥功甚偉。十月間，唐聚五失敗，君亦被日僞通緝，所懸賞格竟達十萬元。新賓既不能守，君乃退守鳳城，與鄧鐵梅，劉景文及乃弟春光合作，勢頗雄厚。嗣以械彈缺乏，君乃於十二月冒險赴平，爲秦庭之哭。途經大

長山島，幾遭日寇危害。

二十二年一月君在北平，經在平東北抗日團體公推爲東北義勇軍第三軍團副總指揮，代行總指揮職務，當派部屬先回東北，佈置一切。不意二月初於大連本溪等處君部旅長孫耀祖，縣長楊慶賢等十九人，因秘密東返被獲，咸遭慘變遺害。君義憤益不可遏，遂決定回防之期。溯行，密赴沽源慰勞所屬第四旅李振山部，並增聘同志出關工作，在張垣又幾遇難。及君回平，華北已成立停戰協定，平方一切抗日工作幾全停頓。然君志切復楚，不以環境惡劣稍有灰心。爰於六月間化裝簡從，回鳳城防地。受民衆及各抗日將領之擁戴就國民義勇軍遼東總指揮之職。

七月間接濟械彈運到，致遭日僞當局嚴重之仇視，調集重兵，猛烈壓迫。君堅毅不屈，轉戰兼旬。尤以七月三十日紅旗街之戰，八月二日謝家嶺之戰，十七日塔溝之戰，血戰肉搏最爲慘烈。斃敵小彬少將司令官以下佐尉官兵四百餘名。日方認爲係九一八後在遼東所遭遇空前之慘敗。事後日人，曾在塔溝建有紀念碑以誌其事。君於塔溝之役，親自督戰，奮不顧身，以致腿部左股負傷骨折。幸得在日僞軍嚴重壓迫下送往內地某海岸就醫，然已無及，九月十四日早十一時竟齋志以終。時君年僅三十有三耳，痛哉！君有太夫人在堂年已七秩有三，夫人白氏，率二男三女。長男長女均在學，餘均在襁褓中。弟春光仍在遼東率其部衆，爲兄復仇，爲國殺敵。故君之沒倭人今猶未之知也。

嗟呼！九一八事變以來，東北有志之士舉義旗以與倭寇相周旋者，固亦衆矣。然或因部衆之擁戴，或僅烏合之嘯聚，其起也卒然，其散也忽然，若君之奮起於行伍之間，轉戰於所謂三角地帶，歷時一年又半，必至力竭身創，死而後已者，有幾人哉？抑君不顯盛名於義軍，應起全國披靡之時，而獨死難於塘沽協定華北苟安之後，則如君之義勇者更有幾人哉？嗟呼！惟志士乃能救國，能殺身始可成仁，李君雖死，夫復何憾？惟是失地未復，國難益深，繼往開來，後死有責，聞李君之風者可以興矣！

## 三 起 義

自民國十七年冬東北易幟，南北真正統一實現，暴日深知中國內亂不易助長，東北當局不爲利用，三千萬民衆，亦難愚惑，認爲滿蒙政策之進展，今後將發生莫大障礙，於是乘美國海軍於一九三六年以前尙無把握，蘇聯新五年計劃未完成之先，乃以國防之說，煽其國人，以與中國挑釁。萬寶山事件之突起，鮮人排華風潮之驟至，皆先兆也。李君春潤，時方供職東邊鎮守使署，逆知中日戰事已有一觸即發之勢，戰端一開，暴日必由安奉南滿吉會三大鐵道幹線，侵我東北。我苟欲杜絕其企圖，惟有聯絡民衆，破壞其交通線，防禦海岸線方可與以重大打擊。因於是年夏糾合同志張訥夫等秘密集會於遼寧山城鎮旋公決以李君爲中樞，由張訥夫擔任鴨綠江沿岸各縣以



至於延吉等地，李春光劉岱宗陳友夫擔任鳳岫莊海等縣分担一切游擊破壞之工作。並推王心泉等担任宣傳，沈廷輔担任各地聯絡等工作。未幾九一八事變陡發，君除按原定計劃進行外，鑒於遼寧東邊有天險可據，尙可自衛，會痛陳抗日救國大計於東邊鎮守使于芷山，作下列之主張。

- 一，暫與日本妥協保衛東邊。
- 二，收容東北軍第七旅及其他東北遺留之軍隊。
- 三，收容講武堂學生隊學生教練東邊各縣民團，以半年爲期可得精兵二十餘萬，槍械不足則編大刀敢死隊以補之。

四，派軍隊一部出響應遼吉黑各地救國軍。

五，聯絡並接濟各地救國軍義勇軍。

乃于顧慮太深，未能採納，君知計不能用也，乃自請出爲營長，藉行其志。因於十二月間駐防新賓。蒞新後，即聯絡愛國同志王彤軒，孟昭春，劉克儉，李先翹等，計劃編練民團，待機而動。時陳友天，李春光，王壽山等，已聯絡民衆三千餘人，破慶安奉南滿鐵道沿線，聲勢頗大，民情尤爲激昂可用。更由鄧鐵梅，徐文海，張訥夫，程惠泉等領導，分據安東鳳城寬甸桓仁等縣。大東溝之役陳友天奮身赴僞軍姜全我部勸其反正，竟被害。八道溝九連城五龍背之役死敢死隊長姜素波，隊附王心泉張殿才等多人。照耗傳至新賓，君甚感痛。爰于二十一年二月十八日在

新賓招集各地士紳，開秘密軍事會議。時駐桓仁之唐聚五團長爲君之同學，又係契友，亦與之有聯絡，相約擴充軍隊，準備起義，俟東北軍出動，深伏敵背以爲策應。乃不旋踵間，黑省告急，馬將軍抗日於龍沙，哈埠吃緊。丁李諸旅，奮鬥於吉境。上海事變，血染淞滬，抗日運動普遍全國。當此時也，愛國同志咸躍躍欲試，以爲倭軍已疲於奔命，機不可失。然君以實力未充，未敢妄動。迨至三月九日，偽國既建，賊勢益爲猖狂。民衆至此，愈懼亡國滅種之禍，迫於眉睫，從事於反日運動者漸多。三月二十一日唐聚五王育文等三十餘人，在桓仁有遼寧救國會之組織，推唐聚五爲軍事委員長，王育文爲政務委員長。唐更兼爲遼寧民衆自衛軍總司令，君則以該會委員兼任第六路司令。二十五日君與同志劉克儉、王彤軒、孟昭春等七人在新賓實行宣誓職務。並即任命劉克儉爲第六路總指揮。三十日周保陞孫紹綱關德裕等參加第二次宣誓，又得同志五人。四月下旬國聯調查團將由北平蒞瀋，唐聚五於二十五日在桓仁縣城誓師，高揭青天白日旗，旋爲日本當局偵知，遂嚴責成僑奉天警備司令部于芷山，爲鎮懾計，委君爲東邊保安司令部步兵第一團團長，君不爲動。即於二十九日舉義，在新賓縣街誓師，參加民衆萬餘人，士氣振奮，盛極一時。此即君抗日發端之大概情形也。

李君舉義後，得臂助之志士雖甚多，然或死於敵，或隱於鄉，其仍本其壯懷，擁有實力，誓繼李君之志者，當得兩人焉，即李君之弟春光與王君紫宸是。爰將兩君舉義事略附後，以告國人

，並勗兩君。

### 附李君春光舉義事略

九一八事變發生後，李君春潤既蓄意謀對付暴日之策，乃即電招其弟春光至山城鎮評詢安東線一帶情形及各地之民氣情勢。後以其所上于鎮守使之條陳未經採納，另謀抗日之計益堅，遂命春光君於十月上旬回鳳城暗中組織鄉團，並到各地聯絡學界及武裝同志。不一月即於十一月七日在鳳城六區雙廟子舉義誓師，凡得六十餘人。不數日間各處響應者達七百餘人，越四日，即克復龍王廟以爲根據地，聲勢大振。時沿海各縣鎮所有日領或日警皆大爲震驚。遂調日軍二百餘裝甲汽車七輛，協同僞軍聯合反攻。我軍一面設防固守，一面調隊應援。適友軍李福田部均先後開到，卒將敵人擊退。自此旬日內相繼克復安東長泡子富老坊大小東溝各鄉鎮。十二月三十日派部隊分赴安東路沿線從事破壞工作，由鳳城至五龍背間之各車站均有相當損失。我軍先後共得大小槍二十一枝，破壞鐵道四段。歷數日始通車。二十一年一月十一日更率部西進，以圖聯絡莊岫兩縣各同志。在半月內相繼克復岫岩三四兩區，及莊河遼西一帶，比時聲勢尤爲浩大。李總指揮接得報告後，即派劉岱宗（講武堂第六班畢業前充第一團中校團附）前來指導，並面示機宜。後因與李司令赴關東廳謀騙軍火未果，在省殉難。至二月六日屆舊歷年關，始返至鳳城境內。日軍乃擬乘我不備，大舉來襲。於八日晨與我軍相遇於紅旗街，激戰終日。我軍將士用命，奮勇殺敵，雖

在炮火之下，不少畏懼。薄暮卒將敵人擊退。斃敵八十餘員，負傷無算，獲敵人裝甲汽車兩輛，機槍一挺，三八步槍拾三枝，子彈數千粒，其他軍用地圖日本國旗以及種種軍用品甚多。我方大隊長李傑三副官王輔之分隊長李鳴九及士兵十六名皆殉難。負傷士兵二十二名。經此次戰事後，各地震動，日方愈加注意。惟因械彈毫無來源，餉饌亦無接濟，是以赴平請求各方援助，承救國團體公推李君爲東北義勇軍第三十五路司令。但一切接濟，均未領到，徒使數千健兒在鐵蹄之下，作困獸之鬥，亦云苦矣。三月十二日李君即在鳳城六區宣誓就職，十四日進佔大東溝，得槍百餘枝；子彈兩萬餘粒。由是各方來歸者愈多。四月上旬張君訥夫率隊數百，橫越鐵道至三角地帶，加入本路爲副司令共同工作。其後李君春潤顧念本路彈藥缺乏，特將前在鎮署領得之子彈兩萬粒，手榴彈一千顆，又購得大藥五百斤，裝大車四輛，由王鐵俠副官率衛隊一連，押運南下，前來接濟用資抗敵。行至中途，適唐聚五氏通電就遼寧民衆自衛軍總司令職，又將該項軍火追回，並派員到鳳通報一切，示以機宜，故三十五路之舉義，雖由於李君春光之聯絡成功，要亦李君春潤扶植之力也。

迨二十一年四月二十四日偽軍李壽山部一旅進駐三角地帶，形勢上頗爲緊張，經李君春光張君訥夫決意襲擊排除之時，李壽山派上校參議劉某及參謀處長王天培（係充李君第三營營長時代之該營營附）前來聯絡。並表示願與合作有機則共同抗日云云。不數日間李君春潤在新賓舉義，

遂派專員來鳳令本路準備相機克復寬甸，鞏固江防，以禦日僞軍由江北上，至是本路北 upper 上之志遂決。五月二日傍晚一部由湯山城土城子向寬甸推進，一部由于柴嶺高麗門除屯向寬甸推進。歷二三日間乃完全推進寬甸境內，蒙寬甸民衆盛大歡迎，有箪食壺漿之勢，僞軍姜全我部懼勢東退，五月七日遂克復寬甸縣全境。該縣僞縣長及僞公安局長均已逃避。臨時委宣傳部長王壽山爲該縣縣長，委中校團附趙翰忱爲公安局長，全縣治安不久即行恢復。九日縣內各界開市民大會，表示歡迎，並敦請李張兩君到場講話，到民衆萬餘人，民心之不死，由此已可想見。惟姜全我逆部嗾恨我軍，遂派便衣隊若干，聯絡小幫土匪，勾結奸民呂武臣等，假充本路名義，在寬甸西部姦淫燒掠。縣民衆被其朦蔽遂對本軍加以仇視。姜逆乃乘勢引導日軍由長甸河口及石頭城一帶攻入。李張二司令因民衆不明真相，恐將來釀成義勇軍與民衆間之惡感，遂棄寬甸向新賓推進。行抵棋盤嶺處（城東二十里），誤被唐部新編之李月林及鴻洲二部在嶺上堵截，並一部六十餘人被誘在寬甸城內繳械，旋經招集民衆痛述經過情形，疑團始解。時日僞軍大部已抵垣甸（距城二十里）我部乃經給資送出，由張君訥夫率至太平哨暫避敵鋒。時李君春光因棋盤嶺事變惡化，遂率一部由城西向新賓轉進。行抵赫甸得悉日前因姜逆唆使土匪之種種不法行爲，致惹民衆之誤會，遂致函寬縣各法團瀝述個中詳情。中途離開本隊，僅帶隨員十餘名。不料姜逆部下侯某，率隊百餘，乘隙襲擊。李君不得已乃改道東下，希圖繞道轉至新賓，一方並派七人至在樣冊子（寬城北八十

里）駐防之唐軍第六路何明齋團長請爲營救。適值何於四日前已奉命北開，該七人在樣冊子遂被奸民乘夜坑殺。此七人即李春風，郝貴信，李魁一，吳多智，趙士發，李春元，王樹貴是也，李君僅帶隨從二名化裝北上，行抵半拉嶺（係樣冊子之鄰村）處，被民團堵截。樣冊子村奸民聞訊亦來謀害李君等三人。幸經半拉嶺村長于聘三力爲辯護，始得幸免。君恢復自由後二日，始由何團長聞訊派騎四十餘迎接，在民衆歡送中往新賓。初在新之李君春潤自得三十五路向北開消息，即派王司令彤軒劉總指揮崇樸，孟團長亞新，率步兵一團，騎兵一團，武衛隊一團迎於桓仁界之八里甸子。既晤李君春光，乃在民衆盛大歡迎中，於五月二十八日抵新賓。李君兄弟會晤後，即決定將三十五路之部隊除一部由王營長鈇俠帶駐新賓外，餘均先後開回三角地帶，由郝副官長鐵男及敖旅長春元指揮。其後屢襲日僞軍及破壞鐵道。迨七月間僞軍李壽山進襲龍王廟，屠殺無辜之良民甚多。經敖春元部與鄧鐵梅部聯絡襲擊，予以重創，李逆壽山始退回安東。自此以至李君春潤東來，日僞軍在三角地帶迄未得逞。

#### 附王紫宸部舉義事略

王君紫宸字彤軒者，遼寧新賓人也。自清末畢業於奉天師範學校，歷充教職，民國四年君更於旺清門故鄉創闢新校以廣造就，誠一有志之士也。九一八事變既起，君即誓志抗日，投筆舉義。乃以本村爲中心，聯合中韓志士，組織民衆自衛團，由同志王季軒，王家訓，王銘族，孟昭春

，于萬里，于海清及韓僑獨立黨梁碧海，金曉奎，梁荷山，金震等加緊訓練。不久即得武裝民衆一千五百餘人。旋因械彈缺乏，乃悉燬存糧，不足更出舊良田，以購彈械而養士衆。志士潘子明馮惠民等，亦捐糧購置扎槍短刀，以補充武器之不足。明則聲言爲預防匪患，實則暗自灌輸民衆以自衛之常識與能力。不料事爲僞縣當局所悉，分電僞省署及山城鎮僞東邊保安司令部，各派委專員到新偵察。時當王育文，李心葵，韋仲達，趙興亞等正到該部指示機宜，幸未揭穿。迨二十一年一月末王君更隻身東上通化紅土崖哈迷河金川等處，因緣故舊以聯合民衆。至通化縣屬蛟古河孔楊樹，遇同志張樹本趙寶臣等，經介紹武術志士梁錫夫王德仁郭子山李景陽王德科等，因聚集武術隊五百餘名，秘密從事訓練。君即潛入縣城，時李君春潤方爲營駐此，相見晤談極爲契合，乃引爲同志，此實爲王君與李君合作之濫觴也。未幾新賓僞縣長竟電請日僞軍出動，并令警察會合通垣新柳四縣公安隊橫來壓迫我武術隊。至此已不能不明舉義幟，以與日僞軍抗。三月六日乃在新賓東區四鋪炕協同梁希夫韓僑梁世奉等兩千二百餘人誓師起義。軍行所至，青天白日旗高張，居民莫不喜形於色，是有志之士來歸者頗衆。十一日在陡嶺與縣僞公安隊相遇，經痛擊後，狼狽潰散。該部遂進佔陵街，得槍七十三枝，勢如破竹，縣城震駭。爲縣當局電省告急後，僞軍董國華邵本良等部三千餘人至昌圖俠洛，中我伏兵，傷亡甚重。計斃督戰日人小原一名，僞軍連長一員，排長兩員，士兵二十餘名。我軍參謀長王家訓及軍士梁福陣亡。此爲三月二十一日事。



也。既而因欲與李春光部聯合，王君遂率部南下至本溪鳳城境內，以武裝宣傳，與鍾子忱劉克儉等部會合，軍勢益振。越一月，唐聚五氏就遼寧民衆自衛軍總司令，電告僞軍將大舉南犯，旋聞第六路李司令春潤亦在新賓就職，并接發見僞軍之報，乃於五月二日率部開進永陵迤北之新開嶺，以堵擊僞軍。經血戰兩日夜卒以衆寡懸殊，不得已退守新賓。旋於六月十五日王君偕第三十五路司令李春光赴通化晉謁唐聚五，奉委爲高等顧問。八月一日奉委爲第一方面軍武術隊司令，并會同自衛軍第四路司令李春光以武裝向撫本鳳岫安莊各縣推進。未幾即與鳳城之鄧鉄梅·岫岩之劉景文，協同工作。十月中奉李春潤密電，率部馳回新賓，至則該縣已成賊窟。十一月間君與僞軍作戰失敗，被俘，誘降不屈，被禁十閱月。直至本年秋始微服由遼陽逃往關內，與李春潤作再度之義舉云。

## 四 治 軍

### (一) 編制

李君春潤以陸軍大學校之造就，益以帶兵多年之經驗，於治軍之道，自有其素長。故當二十一年四月以後之編制皆出君手，所謂三三制是。以旅爲單位，每路所轄之旅酌量情形由三至八。特科則有武術游擊特務通信宣傳各隊及砲兵連司令部。司令之下設參謀長，再下設參謀，副官，軍需

，軍醫，軍法，軍械，秘書七處。軍需處附設兵站處，軍醫處附設野戰病院及担架隊，可謂應有盡有。是年，八月間君既充駐新賓副司令於第六路司令部之上，組織副司令部，設參謀長一員，分設參謀副官軍需軍械軍醫軍法秘書外交八處。是月下旬，君以副司令兼任戰時第一方面軍總指揮，又於副司令部附設總指揮部，亦設參謀長及八處，與副司令部同。二十二年一月以後，君充任副總指揮時，又改爲隊之編制，歸軍團指揮，仍採三三制。但軍團所轄之梯隊由三至十。君於此時就過去之經驗，擬收束已往勞而無功之軍事，努力於長期抵抗之準備，一面整理義軍，一面施行政治工作，於副總指揮部所屬各部隊添設政務機關担任下列之政治工作：

- 一，實施義勇軍政治訓練；
  - 二，指導民衆抗日工作及自衛方法；
  - 三，組織民衆團體；
  - 四，組織秘密團體謀殺日僞要人及爆炸於救國工作有碍之建築物；
  - 五，宣傳日本弱點及其陰謀；
  - 六，宣傳我國抗日組織及計劃。
- 又爲團結幹部人員之精神，於副總指揮部創軍事研究委員會。二十二年七月該部改編國民義勇軍，又恢復二十一年自衛軍時代之編制，以師爲單位，擬編遼東義勇軍共爲五個軍，每軍轄兩個師

，編制尙未就緒，即遭塔子溝之變，使君資志以終，良可慨已！

### (一) 訓練

編制之實行更注重訓練。君之練兵以殺敵討逆救國愛民爲原則，以精神訓練爲主，以戰術訓練爲副。

**精神訓練** 凡屬幹部人員均須舉行宣誓。舉義後，曾開辦軍官教練處，選各部隊之初級優秀軍官入處受訓，以兩個月爲期，期滿回隊服務，盡其所學，訓練士兵。並由司令部派宣傳隊員加入各部隊担任講演或製標語傳單作政治訓練。曉諭士兵以救國要義，使能吃苦耐勞，順從民意，服從命令，遵守紀律。君本人對全體將士亦能推心置腹，同甘共苦，賞罰分明，故精神上之感召，其效亦至大也。

**戰術訓練** 以成千累萬素乏訓練之民衆，使之抗日殺敵，對於武器地形及戰術本毫無普通之常識。允宜施行簡易之訓練。則對所屬各部隊除令每日照例練習體操外，復教之以下列數點：

(1) 避實攻虛 隨時隨地以小部隊向敵挑戰，努力擴大戰區，延長戰期，避免與敵大部隊接觸，向其兵力單薄處攻其不備。

(2) 化整爲零與聚零爲整 將所有兵力分爲數百人或數十人爲一隊，潛伏各地，到處游擊，使敵窮於應付，自己亦易於隱匿。

(3) 演習夜戰 出其不意，黑夜襲敵，可不受飛機之轟炸。

(4) 破壞交通與經濟封鎖 以少數部隊破壞敵人商旅孔道，折毀其鐵路，阻止其商旅，使仇貨不能在各地暢銷，並謀擄亂敵人商場，使商民對日斷絕交易。

(5) 破壞敵人重要建築物及經濟組織所在地，遴派少數勇敢士兵，潛入敵境，專破壞其重要建築物，如發電所飛機場兵工廠車站與經濟組織所在地，若倉庫糧秣場銀行等，以故歷時未久，卒造成一有組織有訓練不擾民不怕死的救國集團。然則君之處心積慮，固非伊朝。

#### 附軍事研究委員會章程

一，名稱 本會定名為東北義勇軍第三軍團副總指揮部軍事研究委員會

二，宗旨 以聯絡同志感情團結幹部人員精神研究一切軍事問題澈底抗日救國為宗旨

三，組織 副總指揮部所屬各部隊中級以上軍官佐其志趣與本會宗旨相合具備入會手續者得為本會委員

四，入會手續 委員入會須舉行宣誓典禮新委員入會須有舊委員二人之担保經全體委員會通過後始得入會

五，職權 全體委員會為本會最高權力機關本會委員在會議席上關於副總指揮部軍事方針作戰計劃軍官佐之任免對外交涉財政收支及一切軍事問題均有提出討論表決可否並催促各部隊

力行本會議決案之權但必要時副總指揮亦可以命令行使其職權不受委員會之限制

六，會議 全體委員會每週一次必要時得由主席團召集其主席臨時推定之

七，任期 本會委員隨其現任職務爲去留無一定之任期

八，會紀 凡本會委員有違反本會宗旨洩漏軍事秘密及其他反動行爲經發覺者由本會議決交軍

法處懲處之

九，會址 本會附設於副總指揮部所在地

十，附則 甲，本章程自全體委員會通過之日施行

乙，本章程有不適宜處得隨時由三分之二之委員提議得修改之

### 附對部下講演詞

(一)新賓舉義誓師典禮講詞 春潤受民衆擁戴，深覺任重材輕，力有不逮但是倭奴違反人道破壞和平。既強佔我東北三省廣袤土地，奴隸我三千萬勤苦同胞，復擾亂上海，製造偽國，狼子野心得寸進尺。近且把持軍政大權，收繳各縣民槍，殘殺知識份子，修築鐵道，羅掘礦產，實行移民，設立日警。已經開始其毒辣手段，想要亡我國家，滅我種族，彼始甘心。所以現在已到了吾人存亡絕續關頭，若再苟且偷安，信賴國聯，不乘手足尙未就縛時候，火速擰扎。迨至時過境遷，後悔恐已無及。况東邊各縣，山地崎嶇，天險可守，人民驍勇，尤宜於作戰，馬將軍掣敵

於龍江，李丁奮戰於吉境，人心未死，寇亦力疲。吾人今日惟有利用此良好機會與環境，向倭奴死拚。幸而勝固可收回失地，恢復主權，不幸而敗，亦可與敵人一大懲創，表示中國人非不能戰之民族。所以本司令雖夙蒙于鎮守使賂山之知遇，現以主義不同，絕不受其威脅利誘，輕與妥協，此即所謂大義滅親，而今而後誓願領導民衆，討逆殺敵，與我全體武裝同志，共赴危難，同受甘苦，將此身交諸國家，以死卸責。可是諸同志亦須了解吾人抵日戰爭之目的，原爲討逆殺敵，復地雪恥，亦即爲國家爭獨立，爲民族爭自由，我軍是有目的的羣衆，有組織的結合，就該具有犧牲的決心，奮勇的氣概，精誠團結，始終不變。諸同志大多數都來自民間，不要忘却自己是個百姓，隨時隨地，要與民衆合作。更要切記下數端：（一）勿抱平時升官發財觀念，不務虛榮，不受金錢努力窮幹（二）勿存從前報效長官思想。諸同志要認清是自謀解救，並非替旁人作事。（三）應盡忠職務，切不可因私廢公，以一個人貽誤全局。（四）應服從命令，無論平居或戰鬥，總要照命令去作，隨命令爲進退養成臨難毋苟免之精神。（五）要守紀律，雖千萬人都取一致行動，一時一刻不當越軌行動，去毀敗軍譽。（六）不殺中國人，討伐僞軍固爲吾之目的，但對投誠合作者已知改過自新不必隨便殺害。本司令就職之日要對諸同志發表者如此，幸勿以尋常講話，不加注意，幸甚。

（二）通化軍事會議演詞 我國所以壞到如此地步，就是因爲帶兵首領不能破除成見，都抱

個人思想，各自把持勢力，佔據地盤，稍不如意，即以兵戎相見。純以意氣用事，不顧大體，弄得筋疲力盡，民衆恨於內，強敵伺於外，所以卒不免九一八之變。現在我們處於遼東之絕域，礮火包圍之險境，當團結一致，誓與倭奴拚命死活。勿因循，勿退縮，各盡其力，各負其責，少說話，多作事，不喜宣傳，不求人知，堅苦卓絕，死而後已。

(三) 新賓縣街追悼陣亡同志大會致詞 今天副司令部舉行追悼大會，個人在滿布着悲哀沉痛的會場裏，對已故的同志，表示一萬分的欽敬，同時又覺得有無上的光榮。因爲已故的同志，他們都爲抗日而死，各個人作到他的舍身報國的誓願，去爲國家爭獨立，爲民族爭生存，已與暴日一個迎頭痛擊，並博得國際間對華的好感了。當九一八事變之初，各國都以爲中國人是容易欺侮的，際想到還有不甘屈服的民衆，敢和日本去奮鬥。現在國際輿論都斥責日本的暴行，對中國很表同情，所以能夠轉換國際的空氣，實在由於已故同志的犧牲得來。現在他們的肉體雖然死了，他們的精神却還存在。那麼他們爲自己留下光榮紀念，也爲自衛軍造成無上的光榮。他們肯在頭去犧牲爲同志們作榜樣，領導大家跟着去死拼，他們犧牲的代價，可真算重如泰山了。所以今天開會追悼的意義，並非表示哀悼就算了事，應當對已故同志永久紀念他們。紀念他們的辦法：

(1) 應繼續他們的遺志，以永不妥協的精神和敵人奮鬥。(2) 爲已故同志報仇雪恨。(3) 應效法已故同志爲有價值的犧牲。



(四)九一八周年紀念講演詞 最可痛心的九一八，最難忘記的九一八，我們從愁苦險囂中度過了一周年了。去年今日，個人在東邊鎮守使署參謀處長任內，因公在省，適當其衝。現雖事隔經年，而當日日寇的進攻北大營，炮擊兵工廠，破壞飛機廠，次晨拂曉攻入瀋陽市，佔據東北大學，各公安局所，及無線電台，迫擊砲廠，解除我軍警武裝，封閉我各級官署，和任意屠殺民衆，焚毀房屋，掠奪財物，強姦婦女的種種慘無人道的野蠻行爲，偶一回想彷彿都在我的眼前。不料天還能看到青天白日旗在這裏飄揚着，灰衣軍隊在這裏出現着，市民們齊來參加這個盛大的紀念會，這真是我們從絕處逢生，似乎有些可喜。其實東北三省尙未整個光復，我們戰爭的目的也靡完全達到。況且還有同胞在受日本人的虐待，日寇也正在處心積慮的想把自衛軍各個擊破，完成其所謂滿蒙政策。當此魯難未已，豈容我們苟且偷安。在今天我們來紀念九一八，不在舉行表面上的儀式和休假一日，所能表示我們紀念的意義的是這樣：第一，對去年九一八死難同胞的悲慘情況，要把自己設身處地去想，如果覺得我們遲早也許和他們一樣的被日寇屠殺，同歸一死，當然就要趁早求活路去和暴日對抗者言死。第二，對已往所作的事，要加以反省。試問自己在前幾個月裏，個人是否拿良心救國，照舉義那一天的誓詞去作。若是切實作了，還要勉勵。若是有些疏忽，就該趕快加改。總要把自己養成一個健全勇敢的自衛軍人，纔能够擔當救國的責任。第三，對此後的工作要具堅忍耐勞的決心。抗日救國不同尋常事件，分析起來即是救己，所以

任教怎樣窮困危險和支持不了，但是前有大河，後有猛虎，在無可逃避的時候，只有走上這一條道。在日寇不把東北奉還以前，並無退伍期限，我們活着一天就和日寇拼一天，甚望大家要從今天下一決心，譬如昨死今生，易作新人。不爲利誘，不爲勢迫，苦幹下去，永不妥協，寧作戰死的鬼魂，也不作苟活的奴隸。人人抱此心理，一旦臨敵，一定要甲仆乙起，至死不退。我們東北有三千萬民衆，如能擴大戰線，延長戰期，和駐在東北境內的十萬倭兵決鬥，我們拿三百個徒手民衆換一個倭兵也能把他們都殲滅淨盡。況有槍砲還可利用呢？就看我們的決心如何了！今天本司令所講的要義：一，爲把去年死難同胞作爲警戒，去自求活路；二，爲反省往事努力前修；三，爲決心苦幹永不妥協。

（五）窟窿山誓師詞 諸位將領，諸位同志，今天我們大家跑到此地來接軍火，這是一件最快意的事情。但是我們把軍火接得之後，又應作什麼感想呢？我可以武斷的說，從今日起，諸位同志們的負擔愈法重了！也就是我們的責任愈法大了！

自九一八事變之後，各地愛國志士鑾擁而起，日本軍隊到受了很大的打擊。但是他也有很大的決心來和我們拼命，最後把各地義勇軍壓迫很厲害。如蘇馬李杜等，均有數萬之衆，卒因彈盡援絕，也到國內請援。兄弟自去歲失敗赴平之際，曾在長山島險被日人拿獲。談到這個地方，兄弟很有些感觸。就想到我們抗日諸同志，一定要有犧牲性，一定要抱必死之心，如能真正照這樣

作去，最後一定勝利的。

我們大家都來作抗日的工作，這是由良心的驅使。但是大家要知道抗日的事，是個個人有責任的。日本侵略東北是由卅年前就下手了。他有很多年的經營，費了許多的金錢，犧牲了多少生命，才得到九一八的結果。我們在九一八前如何，在九一八後如何，我可以概括的說，東北三千萬民衆自九一八後都變成半身不遂了。但是日本猶未滿足慾望，還要來下毒手，置我們於死地，這是一件多們可怕的事情呢？我們要趕快來抵抗，和他拼命，大難立刻要臨頭了！所以我們義勇軍抗日，就是救自己的命，不問他人如何，國內如何，總要抱着有敵無我，有我無敵之決心才是呀！

在一年前的過程中，諸位同志能作很大的犧牲，仍然在偽國境內受很苦的生活，這樣精神，這種勇氣，真令人欽佩極了。那麼以往並沒有很好的武器，尙且能與素有訓練的日僞軍屢次作戰，此次接得這樣精良的武器，豈不是更可以制勝敵人了麼？可是如果有這樣心理也就要錯了。兄弟以爲武器雖然精良，但是不如如有血氣。我們義勇軍最要的原素就是要有血氣。有了充分的血氣，才可以與敵人作戰，才可以制勝敵人。所以今天兄弟最希望的，就是諸位同志要有血氣，不必專恃武器。怎麼能有血氣呢？換言之，就是我們同志都要有堅忍不拔的志氣，百折不撓的精神，無論作什麼事情，最後終可以成功的。

救國的工作固是一件很苦的事情，但是若能安然處之，人之則不覺其苦矣。諸位同志，已往的精神，很有可觀的地方，足見同志們有血氣有毅力。但是國難未已，還希望諸位同志繼續努力奮鬥到底，這是很願和諸位共同奮勉的！（二十二年七月二十八日）

（六）馬家堡子講演詞 諸位同志，自從軍火上岸之後，我們已與敵人血戰四五天了。同志們能在炮火之下不顧生死，和敵人拚命，這才能顯出愛國的真精神。連日敵人雖然屢受重創，但是仍他們然不退，並且調動各處之日僞軍向此地集中，足見他們具有決心來對付我們。試問日軍既受很大的損失，如何還來犧牲呢？要知日人野心無有止境，他強佔我東北之土地，還要屠殺我人民，甚至姦淫搶掠，無所不為，這種慘無人道之倭奴，若不驅除，生有何顏！我們為中華民國守國土，為民族爭光榮，一定要去殺敵，一定要和倭奴拚命。希望諸位同志都要抱有殺敵救國之決心，不畏難，不怕死，乃是真正義勇軍！能在疆場上作一個犧牲者，才算純潔國民！近日我軍雖然傷亡不少，但是他們為國捐軀的，一定名垂千古，雖死也很光榮的！

兄弟此次回防，犧牲一切於不顧，來和倭奴奮鬥，連日作戰諸位同志，都可看見，我均在前線上加入士兵的戰鬥，決不臨難苟安或退縮不前。大家要明瞭，日本犧牲了十萬生靈，才把東北奪到手裏，我們要想收回東北若不和他拚命，能有希望麼？我決與東北同存亡，和諸位同志共生死，（言至此將士咸為感泣）希望大家奮鬥到底！努力！努力！（二十二年八月二日）

## 五 施政

當民國二十一年四月間新賓已成無政府狀態，居民驚駭萬狀。五月二十二日李君春潤乃率第六路軍回縣接防。遂請由總司令部委何成九爲縣長，毛羽豐爲公安局長各機關相繼恢復，秩序井然。新賓縣行政雖均秉承自衛軍意旨進行，但由第六路司令部委政治特派員長川駐在縣政府指導一切，故李君對縣政府雖立於監督之地位，而此一時期之新賓縣政之設施，實足爲義軍光復史上有不可磨滅者，爰撮舉大要於次。

### (一) 維持治安

自各機關相繼恢復後，即實行息謠剿匪及清鄉等重要工作。新賓山勢起伏，素爲匪類出沒之區，自衛軍舉義後，因連續作戰，無力顧及地方治安，致令奸宄生心，乘機活動，殺人越貨，架票勒贖，盜案之多，日恒十數起。李君關心民瘼，不忍默視，因將全縣劃爲數個剿匪區，對自願投誠表示誠心救國者，按其實力大小，予以相當名義，並將其部屬編爲自衛軍。其執迷不悟，仍在各處騷擾者，則由各剿匪區域之駐軍，派隊四出游擊。一經捕獲供認不諱者，則處以極刑。先後計斃匪百餘名。匪人二虎（原各徐金斗）即駝龍之羽黨亦被梟首。至是宵小斂跡，商民安謐如常矣。

### (二) 復興教育

自衛軍舉義後，新賓城鄉各學校職教員及學生紛紛參加自衛軍，各解校無形丸。李君爲安定人心及維持秩序起見，曾嚴禁學校職教員及學生入伍，一面迫令照舊維持上課。至二十一年六月下旬日軍進入新賓，搗壞各校校舍，教育局長林鐘祥逃往瀋陽，全縣教育行政無人主持，絃誦之聲遂輟。直至第六路軍將日軍擊退，始着手恢復教育局，整頓各學校，另委局長閻鼎銘籌劃經費，通令各校開課，全縣教育漸漸規復。

### (三) 組織民衆

李君稔知欲以武力收復失地，端賴全體人民總動員，武裝將士荷槍前趨與敵決鬥，後方徒手民，即應各執其業，直接間接與自衛軍以物質及精神上援助，始爲妥善。因令新賓青年男女各組織宣傳隊分發各部隊，有時並至戰他作最冒險之宣傳。二十一年八月間又由第六路軍官長及地方各機關首腦之眷屬，發起新賓婦女支部，在軍中或戰地擔任宣傳與慰勞。於時在光復區域內又有民衆組織之自衛軍後援會及救國會等，均由第六路司令部派員指導之。

### (四) 聯合韓僑

遼寧東遼與亡韓一江之隔，雜居韓僑甚多，久有獨立黨暗地活動，組織嚴密，槍枝整齊。九一八事變發生後，其領袖金寰等屢思聯合華人共同起事，未果。迨李君舉義後，知韓人勇敢強悍，意志堅決，可資利用。因收編韓僑獨立黨三百餘人爲特務隊，委趙化善爲隊長。歷次戰役，特

務隊長常出力，韓僑捐款，亦特別踴躍。

### (五) 設兵器廠

新賓光復後，李君以三百餘人擴充至二萬餘衆，實有槍一萬五千餘枝子彈二十餘萬粒以砲及砲彈爲最少，餘皆持大刀札槍抗敵。雖由總司令部先後發給彈藥地雷手榴彈防空器等，然爲數過少，李君爲應合需要計，乃出重資招集東北兵工廠流亡之工人，并派幹員由瀋陽等處秘密採原料回廠製造，如地雷手榴彈防空箭及步槍子彈大刀札槍等出品尙佳。廠長常登庸曾在瀋陽被日軍逮捕，酷刑逼供，迄未承認，卒乃得免。

### (六) 開採礦產

新賓舊有拒石哈達銀礦曾經遼寧農礦廳調查化驗，認爲成分極佳之礦區，故於事變前收爲省有，嚴禁私人採掘。九一八後，附近人民又間有私自用舊法開採者。自衛軍第六路司令部成立後，軍中餉糈無着，儘先接收駐新賓東三省官銀號存款十萬元，按月發餉，支持至二十一年七月以後，已羅掘俱窮，並地方之金融亦不能維持。李君爲急謀補救軍實物質計，遂成立拒山銀礦局，設局於木奇鎮，委派局長馮伯超辦理開採事宜。暫用老法開採，經四月餘，招集工人達三百餘名，出品最佳時期，每日可掘荒銀三百餘斤，每斤可得純銀二兩，亦即每工每日可得純銀二兩。由開辦迄自衛軍失敗止，計共得銀六七千兩，如不因失敗而弁擲，則千金寨煤礦工人均克陸續招到

遼，如每月工人在千名以上，最少亦能得銀六萬餘兩，對於軍實及地方金融均有極大活力，裨益良多。此外尚有蘇伙洛之金礦，賣馬集之硫化鐵礦，均曾計劃開採，用闢財源，以爲抗日之實力資源。惜未能假以時日，致徒成泡影耳。

### （七）整理財政及稅收

新賓縣財政自九一八事變以還，已陷絕境，應徵額捐加多，而收入有限，警學薪餉至感拮据。李君乃督促財政局長于博文，力加整頓；當經召集農商會議先出接濟券四萬元，復令有力民戶完納地畝畝捐，其無力者則設貸款所，以資救濟。卒使薪餉有着，團法周轉。至於稅捐，事變後即歸偽國接收，苛捐雜稅，多取病民。光復後乃派楊慶賢運栢春等先後充任新賓稅捐局長，蠲除毒賦，重定稅則，照事變前稅律減等征收，以便商民。

### （八）成立支應局

李君感於軍隊需用糧草，每由民戶零星徵發，不但迹近騷擾，且多貽誤，因令縣長楊慶賢召集地方農商會長及士紳討論在新賓縣速設立支應總局，委商務主席李玉爲正局長，農會幹事長劉廣仁爲副局長，復擇各鄉重鎮如陵術，木奇，東昌台，旺清門，葦子峪，平頂山等處，設支應分局及分所，專司供給軍用糧草及其他軍事上之需要。支應局章程附後。

一、自衛軍收復各地應設支應局以籌辦軍隊之食宿



二、支應機關分左列三級

甲，縣支應總局於收復各縣城設立之

乙，區支應分局於收復各區設立之

丙，村支應分所於收復各村成立之

三，縣支應局由縣商會主席及縣農會幹事長組織之商會主席爲正局長農會幹事長爲副局長

四，區支應分局由該區農會組織之以幹事長任局長

五，村支應分所由該村公會組織之以該村村長爲所長

六，各部隊將到達某處時由該最高長官派員先到該處指導村民照章成立支應機關以便軍隊到達

時支配宿處及人馬給養

七，各部隊到達某處須聽候該處支應機關支配食宿不得擅自辦理

八，各村支應分所須按照該村花戶種地畝數分配食宿及官兵數目不得有所袒私

九，各官兵食宿應以住在民戶所有出而供給不宜強索美味及被褥

十，各官兵乘馬每日由住戶給以乾草十斤紅繩二斤豆餅二斤不准格外勒索

十一，各部隊住宿某村每日所用人馬給養由該處支應分所按市價核錢呈請該駐軍高級長官發給

現金及存款證

十二，以上款項由該處駐軍高級長官所屬軍需處發給現金十分之一並十分之四存款證此項存款分三年發出每年由高級司令部還三分之一其餘由縣支應局按地畝攤派共總發給各該住戶

十三，各部隊收復某一全縣成立縣支應局特駐在該縣各區村隊伍所用給養十分之五按全縣地畝平均攤派駐在縣城應接各商號向商會平均繳納之收復某全區時該管各村所供給養十分之五照全區地畝攤派

十四，各住戶應領給養之除款每日由駐軍派員結算清楚發給雖隊伍撤退亦不准違章不發倘有故違者按軍法治罪

十五，各部隊於佔領某城鎮後應由支應機關成立官店不能盡容時再分住於商號或民戶

十六，本章程如有未盡事宜由各部隊長官會同各級支應機關斟酌辦理並將其辦法呈明最高級司令部修正之

### 附政務機關組織法

第一條 軍團總指揮部及其所屬各部隊設各級政務機關辦理復收區域內行政司法事宜

第二條 軍團總指揮部梯隊部設政務處 支隊部總隊部設政務專員辦事處大隊部中隊部設政務委員其組織如左

(甲)軍團總指揮部政務處設左列三科

第一

第二

(一) 行政科 專辦理財政教育公安建設民運司法各事宜

(二) 司法科 組織法另訂之

(三) 宣傳科 辦理講演編輯調查訓練各事宜

(乙) 梯隊部政務處設左列二科

(一) 行政科 辦理公安民運各事宜

(二) 宣傳科 辦理講演調查各事宜

(丙) 支隊部總隊部政務專員辦事處辦理行政宣傳各事宜

(丁) 大隊部中隊部各設政務委員二人分掌民運宣傳各事宜

第三條 軍團總指揮部政務處設上校處長一人每科設少校科長一人上中尉科員若干人

第四條 梯隊部政務處設中校處長一人每科設上尉科長一人中少尉科員若干人

第五條 支隊部設少校政務專員一人少尉辦事員若干人

第六條 總隊部設上尉政務專員一人少尉辦事員二人

第七條 大隊部中隊部各設中尉政務委員二人

第八條 政務工作人員由東北民衆抗日救國會政治部遴派或由該管長官薦委

第九條 政治工作人員均須受政治部指導訓練

第十條 本組繼法自公布日施行

## 六 遭 變

李君春潤於二十一年十一月間由大孤山圍攻李壽山後，感於砲火缺乏，乃於同月十四日奉母携眷取海道赴北平，呼籲接濟，乘風船飄蕩洋面十餘晝夜於十二月五日到達北平。自此李君留平直至今年六月回防，在此期間，李君遭遇事變，幾已不減於前防，如黃海之遇險，大連之事變，張北之被難，皆足以阻阨君之意志，消滅君之勇氣，然李君並不因此稍變其初旨，其百折不回之壯志，與之死靡他之雄懷，誠足以使頑廉懦立，故不可不紀也。

### (一) 黃海之遇險

李君冒險由黃海西來，途中艱苦萬狀，李君抵平後，曾草「黃海脫險記」一文，蓋紀實也。茲附錄於次。

### 黃海脫險記

余自十月間在新賓桓仁等處與日寇轉戰二十餘日後，將所屬部隊分遣各地，選帶精銳千餘人，擬向北平方向轉進，行抵遼陽東境，探悉前途險阻，不易通過，乃折赴鳳城。於十一月八日與胞弟春光（義勇軍第三十五路司令李子榮）相會於尖山營。戰後餘生，悲喜交集。征車甫停，

又參加大孤山之戰，圍攻李壽山，是役方告結束，乃令春光弟留守鳳城，兼護理第六路司令，余則籌備奉母赴平，籲請接濟，並密定行期。春光對余曰：「兄去務早濺歸，以圖舉事。幸勿流連舊京，使勇氣軟化，置前方袍澤於不顧，此間事有弟負責，任敵情況如何窘迫，寧粉身碎骨，決不醜顏屈服，貽國人笑。」余謂：「勿庸過慮，弟其好自爲之。此行速則兼旬，遲則一月，成當言旋。」余言未竟而淚下，相顧悽愴，後二日行期已屆，余偕內子雅琴率長子樹人（次子二成因於新賓雨夾木戰役失散，由劉處長雪三送往北平）長女樹珍次女鎮兒及隨從副官趙亞東等六員，扶侍家慈，束裝就道，同行有第三十五路司令部王參議官少伯，關秘書凌歐，於十四日下午一時由德奎乘馬車向北井子（此處係人跡罕到之海口）出發。數月來赴平請願之熱望，如願以償，喜何如之；而瞻念烈風怒濤，與敵艦之往復海面，巡查周至，危機四伏，又能不悚懼耶？由北井子上船離岸後，潛伏舟中，但覺逐波上下，此身如在鞦韆架上。路經鹿島，獐島，於第三日遇風，至大長山島迤東之處投錨，翌晨北風小作遂駛行，未數百里，南風驟至，將船吹回原停泊處者兩次，直至後三日下午始得前進，已而又爲烈風折回，停船一星期，竟被長山島日警署偵知。先是吾等由北井子首途，曾有長山島載糧風船同時出帆，蓋係船上漢奸早將消息敗露矣。該島日暑先派華商會勇四名持槍實彈，威言恐嚇，迫令吾等下船，聽候檢驗。余知有變，急促水手開船，會勇等在他一船上鳴槍示威，余恐殃及全船，祇得停船，一面將

所帶手槍及其他軍用品沉入海底。一面由王參議官少伯及副官趙亞東，李祿增，連慶發等四人登陸，王少伯伴稱余之族弟，餘者或稱余之子侄，或稱中途相遇，報余爲臨江縣教員，避難返山東原籍，商會仍強迫全體下船，及余上陸堅執教員回籍之詞以對。少頃，來日便衣警二名，偕華人巡捕一名，均暗帶武器，對余盤查甚嚴，問「爾非由北井子上船圖謀脫逃之李司令耶？」余答稱「余固李姓但係臨江縣教員，適承見問之李司令，想係安鳳地區司令李壽山，渠之體格比余既高且瘦，現在大孤山駐防，並無逃亡之說，如不相信，尙請前往調查，有不實處，余寧受處分。」幸巡捕已會余意，從而竭力彌縫，得免於難。當余受盤詰時，家人及隨員惟恐余言語支離被人看出破綻，均相顧愕然，默爲禱告。迄今思之，設非余抱定泰山崩於前而色不變之想，處以極沉靜之態度，余之生命，雖未死於砲火之下亦必斷送於長山島矣。是日下午因受日方威脅，勒令即刻離島，當此之時，該島停船二百餘艘，均以小雪後必有暴風，不敢開船，吾等明知南風狂暴，但受逼迫，不容再事逗遛，實則余亦恨不能即刻飛出該島也。因於晚三時起錨，向山東石島駛行，翌晨北風肆虐，波濤險惡，浪花如飛絮點點落船上，一葉扁舟，大有傾覆之虞。傍晚六時船因不能勝風，刮至威海衛近處，一晝夜行八百餘里，當時北風之狂，可想而知。於時天色已昏，正當冬月下旬，太陰暗然無光，海面滿罩黑幕。雖自幼駛船之老水手，亦莫辨方向，斯時靠岸發現殘毀砲台，觸及船頭，余自料恐全船二十餘人將身葬於魚腹之中

。家人，水手，咸惶恐無措，祇有窮極呼天，長跼祈禱而已。所幸即晚船在海邊下錨，翌晨黎明，船始靠岸，因潮水高漲，未即下船，延至下午四時，乘小三板登陸，於威海衛迤東之小村落投宿逆旅。明日早十一時乘馬車赴威埠，沿途舟車疲憊，飽受虛驚，在威小作勾留，乘英輪阜生號於十二月四日抵塘沽，翌晨五時搭北寧車到達北平。於今到平多日，回首前塵感慨係之，用述黃海脫險之事如此，以誌不忘。二十一年十二月十八日於北平。

## (二) 決心回防工作

李君之赴平，其目的純在籲請接濟，回防補充所部，以便繼續抗敵。因此抵平後，即分向各當局暨各救國機關，提出三項請求：(一)望東北軍早日出動，互為策應。(二)籌撥大批械彈，運往遼東，接濟自衛軍。(三)請發鉅款，俾資工作，并卹死撫傷。結果頗得各方同情。當領到各種新武器彈藥及其他軍用品甚多，慰勞金工作費合共壹萬餘元。時君又就東北義勇軍第三軍團副總指揮，設立駐平辦事處委程惠泉為處長代行總指揮職權，前由新賓派赴吉江兩省聯絡員王世昌君亦安全到平，並帶回馬占山主席緬函一件。於十二月二十九日即派副官長劉雪三隨參議王召伯携洋六千三百八十一元赴遼寧東邊慰勞軍隊。道軍火領齊後，海岸已結冰，不便運輸。君遂羈留平市，不得已也。然對如何收拾遼東殘局，因無時不在計劃中。茲就其與前方同志所致各函

，已足見其救國志願之堅也。

(函一) 春榮同志鑒：新賓事變後諸同志羈留東邊，應付危局，望風懷想，能不依依……余在此間，深知諸同志艱苦，特派張文煥寧永孚回防，代致慰勞。今後工作計劃，可與該二員詳加商討。現倭奴尚未悔禍，既犯熱河，復侵榆關，中央已調集大軍，準備抵抗。吾人臥薪嘗胆，已至最後時期，本軍奉令改編東北義勇軍第三軍團，余任副總指揮，目前東邊軍事，望諸同志妥為處置，並希時常派員來平報告是所至盼。……

(函二) 徐司令勛鑒：東北淪陷，荏苒經年，凡我袍澤，孰不痛心。執事義憤填膺，同仇敵愾，乃以環境特殊，虛與應付，苦心孤詣，薄海欽諒。邇來熱河事急，榆關冠深，暴日得隴望蜀，益無忌憚。中央無能再忍，決以武力抵抗到底。……民族存亡，在於今日，吾儕許身報國，此正其時。春潤去冬自新過鳳，由鳳來平，原為晉謁……請示機宜，并呼籲接濟，藉圖再舉。……改編以來，本擬諸事就緒，即行東旋，第思猥以非材，謬膺艱鉅，瞻急前途，曷勝悚惶，所願執鞭荷戟，勞苦不辭，馬革裹屍，願伸素志。甚望執事，速舉義旗，與東邊諸同志廣善聯絡，秣馬厲兵，共圖策應，翹企鄉關，無任禱盼！……

### (三) 六連慘案真象

二十二年一月李君以前方部署尚未妥協，本人猶未返東，因迭派副官李治業通信隊長張在軒



參謀處長張文煥等回防傳令各部隊準備舉事，又派副官王世昌持緝函赴遼東聯絡各僞軍。由二十九日至二月八日間，更派出總參議兼第三梯隊司令官孫耀祖等四十四員名，分組回新賓，清原鳳城寬甸本溪等處秘密工作。君本人亦定於二月杪由北平出發。不料事關不機，於十九日滿洲報號外載總參議孫耀祖，參謀處長秦鴻修，參謀崔連技馬瑞春戴貴成姚立志副官陶景芳李萬才鄒殿鈞，衛隊營營附于慶琛，通信隊隊長張在軒，聯絡員趙玉林，第一梯隊參謀長甯永孚副官長李惠亭，參謀林志敏，武術隊副官吳鳳歧，前新賓縣長楊廣賢等二十名，在本溪大連等處，被日警捕獲。消息到平，君震悼無似，曾引咎自劾，懇辭第三軍團副總指揮名義。原文略謂當本軍運命絕續之交，猶抱再接再厲之志，黃海脫險，來平請援，渥蒙知遇之隆，督勵備至，接濟有加。以故殺敵雪恥，益下決心。到平未久，業將所部整理就緒，選派幹員，回防準備反攻。不圖事變之來，出人意表，總參謀孫耀祖等二十人，本溪大連相繼被難，全軍精銳，摧殘殆盡，再起之計，敗露無餘，功敗垂成，震盪中外，軫念袍澤，食用疚心。此皆職材力棉薄，難膺艱鉅，應變無術，致措置乖方，惶媿曷似。伏念一悞豈容再悞，正宜引咎自劾。惟有解除副總指揮名義，免滋咎戾，俾以國民資格殺敵圖功，以完未竟之業，而慰殉難先烈在天之靈等語。旋明令慰留，謂該員堅貞卓絕，引畀正殿，值此寇氛益熾之際，詎容卸責，仍希再接再厲，期竟未完之業。至名義一節，迨有整個計劃，應另待後命云云。未幾被難各員已証實遇害，君遂着手報請撫卹，並籌備回

防。這三月間趙玉林由長春計脫圍，得免於死，故死於難者之烈士實十有九人也。慘哉！前將各烈士姓名表列於左。

姓名	年齡	出身	身略	歷	出發日月	被捕日月	殉難地點	備	致
孫耀祖	四〇		清原縣教育委員 自衛軍團長旅長 梯隊司令官		二月八日	二月十日	大連		
齊洪治	三〇	東北講武堂 第六期步兵 科畢業	陸軍連附連長 義勇軍團長旅長 總隊長		二月三日	二月六日	長春		
秦鴻修	二八	同	陸軍連附營附少 校參謀自衛軍少 中上校參謀		一月卅一日	二月三日	長春		
寧克光	二六	同	同		二月七日	二月十日	大連		
崔連枝	三四	東北講武堂 工兵教育班 畢業	陸軍連附連長自 衛軍少校參謀中 校參謀		一月卅一日	二月三日	大連	化名崔榮軒	
馬瑞春	三六	東北講武堂 第九期醫兵 科畢業	陸軍司務長連附 義勇軍少校參謀		同	二月四日	大連	該員係軍委分會 差遣隊尉官隊派 來服務	

遺

變

戴資成	一九	同	同	二月三日	大連	同
姚立志	二六	同	同	二月八日	二月十日	大連
			該員係軍分會差遣隊尉官隊派來服務改名李廣才			
李惠亭	四二	行	伍	自衛軍上尉副官少校軍械官中校副官長	二月七日	同
						大連
						改名霍永粟
張在軒	二八	東北講武堂工兵教育班畢業	陸軍連附連長自衛軍中校通信隊長	二月三日	二月六日	大連
						改名張芝祺
楊慶賢	三八	奉天法政專門學校畢業	新賓稅捐局長	同	二月六日	大連
林志敏	二六	東北講武堂第七期畢業	陸軍連附營附義勇軍總參謀	二月廿九日	二月一日	大連
魯立泉	三〇	教導隊畢業	義勇軍上尉軍械長	一月廿九日	二月一日	大連
龔雲峯	二一	同	義勇軍副官	二月三日	二月六日	大連
						化名龔熊嶺

于慶琛 二四 同

陸軍司務長連附  
自衛上尉連長少  
校營附

二月八日 二月十日 大連

陶景芳 二三 軍士連畢業

陸軍司務長自衛  
車上尉營附

同 同 大連

吳鳳岐 三八 行伍

自衛軍武術隊中  
尉副官

二月三日 二月六日 大連

李萬才 一五 行伍

自衛軍少尉副官

二月八日 二月十日 大連

鄒殿鈞 二〇 行伍

同

二月八日 二月十日 大連

### 附孫耀祖事略

孫耀祖字光烈，原名銘宸，號觀庭，年四十歲，遼寧清原縣人，賦性豪爽，為人忠誠。民國六年曾畢業於興京縣立二部師範學校。七年充小學校長，在該校歷十年之久。所有貧苦子弟讀書，均予免收學費，以致其無力升學者，更捐款助之。及至民國十三年清原設治，該校即劃歸清原縣教育局，考查全縣教育以該校成績為最優，遂獎為模範小學。地方士紳學生家長，公贈熱心教育匾額一方。十七年充清原縣教育局學務委員，十九年充清原縣縣志調查員，二十年九一八事變後

鑒於國家興亡，匹夫有責，乃幫同其胞兄銘武，秘密舉辦救國軍事宜。不幸於事未成功之際，被子逆芷山偵知，乃兄以致被難。耀祖遭此打擊，救國之心，未嘗懈弛。翌年五月間，遼寧民衆自衛軍副司令李春潤進攻清原，耀祖請求加入工作，李君素聞其有膽有識，委爲該部第六旅旅長。九月間日軍大舉襲擊自衛軍，李部失敗，比時耀祖曾被僞國通緝，家產亦被沒收。耀祖聞訊慨然曰，國破家亡，有產何用，倘東北有光復之一日，詎患其沒收耶？二十二年一月間秘赴北平，謁李春潤圖謀再起被委爲東北義勇軍第三軍團副總指揮部總參議第四梯隊司令官，於二月八日首途回遼東，行抵大連，被日水上警察署逮捕，所帶證件，均被檢出。日人勸之降不屈，遂遇害。

#### 附爲孫耀祖等請卹文

爲職軍總參議兼第四梯隊司令官孫耀祖與其兄孫烈士銘武，先後抗日殉難，請予議叙其功勳，并優卹其遺族，以獎有功而勵士氣事。竊職軍將士廿人，於一二月間先後返回東北，準備舉義。不幸於大連罹難，抗議不屈，均以身殉等因，業經表列呈報，請予議卹在案。惟才分賢愚，功論大小，奇異之士，非特爲表出，殊不足彰英烈，而昭激勸。茲查有孫耀祖孫銘武者，遼寧清原人也。兄弟兩人素具忠義，銘武歷充軍警差務，耀祖則身教育界，均以提倡愛國爲識志。九一八事變消息傳到清原，兩人義憤填膺，痛不欲生，決定犧牲一切，密謀抗日以救國。集合同志，共商大計，率領遼寧公安隊第二十八中隊隊長李棟材全部舉義，以事機不密，被子逆芷山偵知，銘

武在柳河縣三圍堡罹難，耀祖幸免。迨職軍起義，兵到清原，孫耀祖率同志五百人未歸，共討暴日。職見其精忠幹練，材堪大用，當畀以第六旅旅長之職。軍區改組，又任第四梯隊司令官。耀祖於軍事雖非素嫻，然本其忠誠之心，以馭部下，不事懲罰，而軍威自肅，軍容自整，有古儒將之風。在職軍中誠屬幹員，方資依畀。迨職來平後，伊將部下安置妥當後，親來北平向職請命。於二月八日奉令回防，約期舉事，竟在大運被獲而遇害。救國同志，又弱一個，豈不痛哉。惟死者之功名雖成，而生者之生活可慮。孫氏兄弟兩人，以決心抗日，已毀家抒難，因其在第六旅時，屢挫敵鋒，暴倭恨之刺骨，職軍失敗之後，敵軍到清原將孫氏產業，悉數沒籍。兩氏各有一妻兩子，現居遼陽，毫無積蓄，至不能爲生，現祇仰職之供給以活。伏念孫氏兄弟之忠義，至堪嘉尚，而其妻子之貧困，尤可憐憫。夫有功者賞，殉國者卹，國有定章，矧當此失地未復，國家多難之際，對於殉國烈士，尤宜從優議叙其功勳，撫卹其遺族，使死者安慰，而生者知勉。職爲國家計，爲孫氏之生者死者計，有不容緘默者，謹據實繕表專文，請鑒核施行。

#### (四) 張北被難經過

大連慘案，震驚一時，而王召伯侵吞慰勞金之事又起，君於此時大有事多拂逆之感。先是李君於二十一年十二月二十九日派參議王召伯携款六千三百八十一元借第三軍團副總指揮部副官長劉雪三前往遼東慰勞所屬各部隊去後，數月後無音問。旋據密函告發，始悉王召伯未曾達到任務



，業將所携款項如數侵吞，並爲有計劃之傾陷。以致前方各部隊感受大部之影響。君欲得之而甘心焉，卒將王由青島捕獲，到平津衛戍司令部歸案，繳回洋兩千元，然已糾葛累月，瞬屆暮春。時長城戰事方酣，君擬即回防，遂派政務長王壽山及政務處委員鄭輔廷馬效先等回鳳城新賓通化等縣工作先將前領軍火悉數起運，派參謀處長張文煥等協力負責。嗣以屢變運輸計劃，未能直達目的地，君之行期竟隨之延緩。五月十一日君偕隨員紀樞與溫廷傑等赴浩源，檢閱留察第四旅舊部，並聘第六十七軍教導隊王大隊長玉泉出與關工作。道出張坦，突遇某部，對君提出兩項無理要脅：（一）勒索軍火，（二）酷刑逼供勾結反動派，並沒收其所携大宗慰勞金及行李服裝多件。將君及隨員入涿鹿監獄，勢將執行槍決，經中央黨部及各方去電聲援，某部懾於公理未施毒手，君與隨員被監禁者二十餘日，始終不屈，得其由獄中致部下一函，當時豪氣猶躍然紙上。

仲孚斗南二位同志弟鑒，兄事接洽甚圓滿，不用掛念。咱之械彈，應急速設法輸送萬勿延悞。吳月泉已回平。吳同志在東邊面見子榮司令，聞該部及咱部現已集合有五千餘人，並聞子榮司令前赴岫岩聯合劉司令景文，惟李治業未回防地，令人懷疑，應速設法將械彈運去，以資接濟。若無兄之命令，不論何人，不準動用械彈及變更方針爲要。

洎君脫險回平，所謂塘沽協定業經成立，原定回防之期已悞多時。然君仍分函各方友好，籌備回防。其致北平軍分會某主任函中有云：「潤以軍人，遭逢時變，惟有誓志許國，不容再有別圖。」

前以勢力不敵，曾受挫折，然再接再厲，必達到目的而後已。伏念大廈之傾，非一木可扶，東北同志縱能始終奮鬥，國人若不予以相當之援助，亦恐難竟全功。……他日潤得建樹微功皆拜雲天之厚賜，能不感激於無既哉。』又致國民黨某同志函云：『潤遵奉總理遺教，與日本帝國主義者奮鬥年餘，縱復楚之心切，愧寸土其未收，瞻念東北，悚惶無地。……茲定今日風順即行，率屬離口，尅日東渡，我國內憂叢集，外患迭生，救國重心，屬在吾黨，潤雖不才，寧計險夷？苟利家國，生死以之。今後惟有勉負艱鉅，永不妥協，以副厚望。風便尚祈不吝教正以匡不逮。』蓋至是君之回防抗日誓不顧身之志決矣。

## 七 戰 史 上

李君春潤自去歲四月二十九日誓師新賓，實行抗日，所率部衆，轉戰遼東各地，時起時伏，歷時兩載，屢挫屢起，雖迄於李君殉國，猶未息止。似此李部之光榮戰史，生前既有聲有色，歿後亦再接再厲，確至百世不磨可也。惟爲便於明瞭李部之抗日戰事經過計，可分兩大時期敘述之，即在李君本年六月二次東去以前爲一時期，東去以後至現在爲一時期是也。茲先述第一時期之抗日戰事經過爲戰史上。

### (一) 新賓血戰

四月二十四日 倭軍脅迫僑奉天警備司令于芷山親率僞軍三團之衆，分三路向新賓進攻。至上夾河鳳凰嶺黑牛等處，先派人至縣城誘李部改編一團，同攻唐部，李未允，並在羊祭台嶺新開嶺老城各要隘，作堅固工事，準備對抗。

二十九日 于軍節節逼進，空氣益漸緊張，李君即日在新賓縣街職業中學校院內誓師。是爲李君抗日之始。

五月二日 武術隊司令王彤軒率部與第六路衛隊營一部聯合三百餘人，在新開嶺與于軍接觸，斃敵百餘名，奪獲三八式步槍三十餘支，迫擊砲一門，重機關槍兩挺，子彈數千粒。西路衛隊營兩連，在羊祭台以少擊衆，于軍傷亡五十餘名，李部損失極微。

三日 于軍進至陵街，李君親赴前方督師，與敵激戰一晝夜，雙方互有死傷，第六路軍獲戰利品無算，敵傷亡百餘名。陵街一邑，已成坵墟。

五日 于軍向老城進攻，李君率衛隊一營，借總司令部衛隊旅，據險固守，敵砲火猛烈，聲震山谷。自衛軍砲兵彈不虛發，于軍陣亡少校參謀劉芷蕃及團營附數員，傷亡士兵百餘名。結果自衛軍以彈盡援絕，爲保全實力計，乃退往桓仁境內。

八日 于軍進至新賓縣街，以得勝之兵，毫無紀律，燒殺淫掠，靡所不至，新邑商民，不堪其擾，因屢次暗中派人密告于軍之陣地，及主官所在地。

十八日 拂曉第六路軍由南西北三面向新賓縣街反攻，唐部衛隊由總部參謀長指揮，擔任東路。于軍既佔地利，機槍迫砲，密佈山嶺，雙方激戰四晝夜，敵傷亡二百餘名自衛軍亦損失不貲。計獲敵山炮迫擊砲各一門，步槍百餘支，子彈萬數粒。

二十二日 于軍因彈藥耗盡，向清原方面潰退。第六路軍奪還新賓。

六月十五日 雷富海部破壞清原就近鐵道及橋梁，騎兵獨立第四團團長李大光率部三百餘人，破壞南口前車站附近鐵路數里，並焚毀站房及橋梁。

十六日 第十七團團長何俊彥部，在清原縣黑牛與日軍六百名接觸，敵不能支，撤回南口前。傷亡官兵二十餘人，我軍損失甚微。是日武術隊司令王彤軒及第一旅旅長劉克儉率部進攻清原。但敵早已構築堅固工事，及堡壘砲台。自衛軍連攻三晝夜，衝鋒十一次，傷亡官兵三百餘名，終未攻下。僞軍團長邵本良負重傷士兵傷亡二百餘人。又王彤軒部攻入英額門得民衆協助焚毀鐵路八里餘，僞軍董國華部退却。

十七日 日軍借僞國靖安游擊隊共二千餘名，戰炮二十餘門，及輕重機關槍多挺，彈藥車六十餘輛，由南雜木站下車，向新賓推進，第六路木奇駐軍，迎頭抵抗，強弱懸殊，不支而退。

十八日 日軍進佔陵街，李君率衛隊營赴老城作工事備戰。

十九日 早八時敵軍進至老城河北，雙方開始血戰，卒以砲火過猛，將敵誘至撥補溝，伏兵

四起來擊，計斃敵中佐指揮官一員，少佐一大尉二少尉二，及日僞兩軍士兵百餘名，得獲彈藥車十二輛，步槍數十支，李部官兵傷亡二十餘人。頑敵用飛機掩護作戰，蜂擁東上。李君於午後三時在縣街作最後抵抗，嗣因彈藥缺乏，不忍殃及市民，退守旺青門，日軍進街，對民衆大肆屠殺，是日日飛機七架在木奇，陵街，及縣街分投炸彈，及燃燒彈多枚，焚毀房屋四十餘間，傷亡商民十餘人。敵人佔領新賓縣街後，將我知識階級及愛國份子殘害一百餘名。

二十三日 李君集結部隊，回新反攻，日軍四面受敵，向清原逃竄，李率部進擊至一面山北旺清一帶，將敵包圍，傷亡甚衆，敵藉炮火掩護，向北狂奔，由新賓至清原一百二十里，自衛軍到處堵截，四晝夜，始得逃至清原上火車回省。總計此役敵傷亡奇重，而我武術隊負傷尤鉅。

八月十九日 第一支隊長康樂三部進攻營盤，第二支隊長李先翹及第一族長劉克儉等部進攻清原。

二十日 營盤清原均於拂曉與敵發生激戰，第一支隊擊破營盤之敵，斃日兵數十名，俘獲大槍四十餘支，所有瀋海路橋梁及站房，盡被焚毀，並切斷電線極長，得電話機多部。黎明，來敵機十一架，協同步砲兵交相轟擊，康部拼命奮鬥，毫不畏懼，卒將該站佔領，民氣大振，軍威益壯。第二支隊旅長劉克儉親率全旅及武術隊王彤軒部，攻入清原斃敵甚衆，並破壞門虎屯車站英額門橋梁及站房，虜僞公安隊高發中隊長一部士兵八十三名，繳槍八十餘支，子彈二萬餘粒。又

收降金甯山部分隊六十餘名，繳槍六十餘支，子彈二萬餘粒，並斃日官兵數十名，劉旅傷亡二百餘名。

二十一日 第六路軍一部，進襲南口前車站，獲貨車一列，日司機慘斃二名。

二十三日 第一旅旅長劉克儉率全旅士兵攻清原縣街與敵激戰一晝夜。該旅第十八團一營營長李富貴傷，士兵傷亡二十餘名，敵亦有相當損失。騎兵獨立第一團團長華振江率部破壞倉石附近鐵路十餘里，衛隊營燒毀，元帥林車站，折斷鐵路二十餘里。是日李君在高力營附近親埋地雷，瀋海軍脫軌傷十餘人。

二十五日 第一支隊康支隊長破壞章黨車站，及附近鐵路橋梁，斃敵數十名。

二十七日 王彤軒率武衛隊燒毀驛馬站橋梁十六空。

二十八日 第六路軍千餘名。聯合遼郊各路義軍圍攻瀋陽。又派第一旅第十六團二營營長王雲陞率步兵兩連，攻南口前之鐵甲車，王營長乘夜親自由鐵甲車砲眼向內投擲炸彈，炸死日兵十餘名，同時王營長炸傷左臂士，兵眷砲傷二十七名。同日王彤軒部將石門寨瀋海鐵路折毀數里。

二十九日 王彤軒率部收復東社委任王玉奇為旅長。

三十一日 第六路軍三百餘名，襲擊撫順城，與當地守備隊發生激戰。是日夜間撫順公安大隊長李振山部三百餘人反正，敵貴田上等兵，永井共和會指導員，警務局指導官島飼代助等均被

俘虜，該部與第六路軍會合後，編爲第四旅，李振山爲旅長。

九月一日 李君奉唐總司令命令，向安鳳地區發展，乃令第四路司令李春光偕武術隊司令王彤軒，本路參謀康樂三等，率部三千餘名，取道本溪，寬甸，向安鳳地區轉進。

十四日 第四路李春光等部，越安奉鐵路抵鳳城。

十二日 第十路司令李先勳率部將撫順高官寨之敵，日僞軍約一百五十名全部俘虜。

僞軍團長黎茂芬繳械，同時令命我部張李二營將溪城鐵路重要橋梁破壞之，斃敵十餘名。僞軍孟凌雲步兵連約六十名及軍用品兩車被繳收。

十七日 進佔龍王廟，黃土坎等地，繳僞警大槍三十餘隻支，同日並將北井子占領，所有僞警均歸收編。

十九日 第三團團長曹春庭率隊五百餘名，進攻大東溝，擊斃僞警二十餘名，日兵數名，我方受傷官兵，計十餘名。

二十一日 參謀長康樂三，協同第四路司令李春光，武術隊司令王桐軒，與鄧鐵梅司令會議於鳳部之德奎，協商合攻大孤山。

二十三日 李春光王彤軒等，到岫巖縣促劉縣長景文反正，懸掛青天白日旗，實行加入自衛軍工作。



十月十日 李君親率所部千餘名，在本溪驛潰偽軍安鳳地區警備司令部補充第一團團長孟凌雲全部，並斃營長張振東一名，將該營繳械，獲槍二百餘支。

十一日 新賓縣之西古樓，清原之風倒樹溝，柳河之邊沿，均發現日軍。

十三日 衛隊步兵第一團百餘名，在老城抵抗，激戰數小時。

十四日 李部在新賓縣街與敵大部隊激戰二小時之久，斃敵三十七名，卒以雙方實力懸殊，彈藥罄盡，乃向桓仁邊境前進。第一旅旅長劉克儉在清原北夏家堡子，聞警急率所屬返新增援，中途被敵截斷。行抵黑牛，破敵包圍，乘夜衝破敵陣南行以資聯絡而進圖反攻。

十五日 衛隊營在平定山與日軍奮鬥甚激，老道溝嶺及二戶來，亦有激戰。

十六日 衛隊第二團團長吳永山率部七十餘人，潛伏都督伙洛山崗，擊斃日軍六十餘名。

十九日 第六路軍在桓仁縣境花尖子，與日軍相遇，激戰一晝夜，雙方傷亡達二百餘名，至下午四時，敵飛機十二架助戰，自衛軍傷亡漸增，不得已，乃退至濫泥窪子。

二十一日 第一旅旅長劉克儉部，在板成峪與日軍激戰數小時，第十路司令李先翹亦率所屬步騎聯合部隊約五百人到濫泥窪子，總司令部與第一游擊大隊中校隊副吳殿臣率部百餘人，共計收容部隊已達三千餘人，乃決定反攻新賓。

二十二日 李部向新賓前進，並殲滅駐在木魚子日本步兵軍士十二名，得獲大槍十二支，子

彈五千粒。

二十三日 敵由新賓縣街及平定山西路出兵，向第六路軍夾攻，下午三時於新賓縣南大青溝着遇，激戰至夜，李部爲全實力計，乘夜中撤退，向石人溝轉進。

二十四日 晨日軍步騎砲聯合支隊四五百名，由平定山向第六路軍追擊至廟嶺，李君當即命令第十路司令李先翹極力抵抗，至午乃擊退，計斃敵七名，傷十數名，我軍傷三十三名，亡五名。是日晚五時，敵之一部，又由木奇方面向第六路軍襲擊，乃令騎兵第二團團長呂珍在陸家堡子嚴行抵抗，敵亦未得逞，互有傷亡。

二十六日 李部軍在南嘉禾集合，日軍七百餘名，由木奇營盤方面雙方夾襲，激戰甚久，斃敵十餘名，李部傷亡四五十名。女子宣傳隊員劉桂貞等同時陣亡。下午敵飛機十一架助戰，此時李部彈盡援絕，不得已，向鄭家堡子轉進。

二十七日 第六路軍在照雅溝與日軍百餘名發生激戰，雙方互有死傷。

### (一一) 鳳城鑿兵

十一月一日 李君在板成峪將各部隊分潛各地，自率精銳一千餘人南下。

三日 由香山子越安奉鐵路至遼陽第二區棉花堡子地方少憩，值得此處迤西地帶多親日部隊，不易通過，乃變換計畫，向鳳城方向前進。

八日 第六路軍抵鳳城八區尖山窰，與第四路司令李春光部相會合，此時正當五十六路及十三路在大孤山圍攻李壽山軍，乃決心會同第四路及日前留在鳳城第六路之部隊，加入前方部隊，共同攻擊李壽山，遂於下午開始向大孤山方向開進。

九日 李君至岫岩洪旗溝與各將將會議，時據鳳城密探報告，日軍已由安東大東溝，鳳城縣街及乾柴嶺向我出擊。乃決心令第四路及第六路各部隊擔任鳳城防務，五十六路擔任岫岩防務，十三路擔任單洞圍困大孤山之任務。

十日 大東溝及乾柴嶺所來之敵，均被李軍相繼擊退，雙方互有傷亡。鳳城縣街所來之敵，至卡巴嶺被五十六兵路之一部擊退。

十一日 第十路司令李先翹部在本溪舊河嶺地方與日僞軍五六百名發生衝突激戰一日互有死傷。

十二月十二日 騎兵衛隊團長姜紹泉團附楊福庭等率部六百餘人，與日軍百餘人及僞國傷亡營，公安隊百餘人，在清原罕羊溝口相遭遇，發生激烈戰爭，約四小時，該團以彈絕退至暖泉子，計斃敵少尉水少原四郎一員，日僞兩軍士兵二十餘名自衛軍陣亡中尉連附白福清一員，被擄上尉連附趙玉一員，及隨從一名，受輕重傷共七名。

十五日 第四路司令李春光，與友軍鄧司令鐵梅，在鳳城尖山窰與僞國靖安游擊隊第一軍全部，奉天省垣保安隊第一二兩大隊，步騎砲聯合之敵，共約四千餘名，並日軍五百餘名接觸。是日，

敵軍飛機於岫岩城周圍附近投炸彈四十餘枚，以致將該縣城退出，被敵佔領。並遼陽海城方面敵又增援，步騎砲聯合之敵五百餘名，李司令春光率部星夜到達蘇子溝關門山之線停止以備增援。

十八日 拂曉第四路李司令春光及自衛軍第六路一部。到達磨盤溝，以一部攻擊黃花甸子之敵，以一部協助顧司令冠軍王司令全一等部攻擊關門山之敵。是日下午三時將關門山之敵千餘名盡數包圍繳械，斃日軍七十餘名，生擒日軍少將指揮官成擇直亮一員，及士兵三十餘名，俘獲偽國軍六百餘名，獲步槍七百餘支，機關槍八挺，迫擊砲二門，山砲二門，大接濟車十四輛，無線電機一架。是日下午敵以空軍掩護退至磨盤溝。我軍部隊即開始射擊，該機即投擲炸彈二十餘枚，炸斃架衛隊營一等兵曹玉崑一名，負傷者數名。

十九日 拂曉第四路李司令春光率所部第六路軍部隊之一部，及張司令海川之一部，猛攻黃花甸子，該敵頑抗，張司令奮不顧身，中彈殞命。是日上午，敵增援，先遣部隊，業已到達黃花甸子，與我軍對峙，日軍終未得逞。是時因南滿線空虛。李司令春光與劉司令景文鄧司令鐵梅在各該原地牽制該敵，第六路軍一部向南滿沿線海城遼陽營口一帶鐵路地方進展，二十八日行抵千山一帶。是日夜晚在南滿綫、遼陽鞍山之間，爆破敵之客貨車兩列，完全焚毀。

二十二年四月十四日前，第六路第七旅旅長周保陞率部二百餘人與偽國三縣指導官日人橫山所率偽軍五百人，在東豐縣屬猴石鎮地方接仗四小時之久，橫山及譚譯等陣亡。繳得槍七十餘支

子，彈七千餘粒，僞部完全放還，一無傷亡。

三十日 僞袁營長協同日人軍部七百餘人有，帶迫擊砲等重武器與周保陞部五百餘人在猴石鎮接觸，戰激三小時。擊斃日僞軍二十餘名。袁營及其機關槍連被繳械，袁營長杜營長劉連附等被擄，旋皆釋回。是役繳三八式步槍三百餘支，自來得手槍三十五支，機關槍多架，迫擊砲兩門，子彈七萬餘粒，砲彈二十箱，馱馬三十乘馬四十匹。

五月十五日周保陞率部進展至東豐縣之四平街，於十六日拂曉將該處佔領。俘擄日人笹森中尉藤田少尉二名就地槍決。得獲手槍三支，乘馬三匹，同時繳僞警察及民團大槍八十四支，子彈千餘粒，手槍十三支。

三十一日 周保陞率部一千五百餘人進攻東豐縣城，於午後四時佔領，焚毀其東西兩側之鐵路及橋樑，斃日軍少佐以下，三十四員名獲迫擊砲三門，重機關槍一挺，步槍二百五十枝，手槍七枝，子彈二萬粒，砲彈四箱，乘馬八十四匹。

六月二日 晚八時周保陞爲保全實力，率部退出東豐縣城，在黃泥河子與毛團及六合軍共萬餘人，擬向該縣城反攻。

以上所述爲李君所部轉戰新賓桓仁本溪鳳城等地之經過。嗣以孤軍勢微，彈盡援絕，君不得已乃率步騎千餘，轉進至三角地帶與乃弟春光及劉景文鄧鐵梅等部，會師合攻僞軍李壽山於大孤

山。圍攻十餘日，終以敵之防禦工事異常堅固，君知非用砲火破壞，不易爲力，至是始有去平請援之決心。因爲各同志密議將所部分在地方潛伏方法，妥切安置後，君即於十一月十四日帶隨員十餘人乘帆來平。迨至十一月間，日軍對三角地帶大舉討伐，三十五路軍始則抵抗於安東鳳城一帶，嗣以岫岩告急，李純華與華劉景文函電交馳，乞爲增援李春光氏遂率所部去岫參加作戰。關門山之役三十五路第一支隊敖春元部與劉司令之四五兩旅斃敵百餘，繳得大槍五百餘支，俘日人擄成澤直亮，（指導官一名）及僞軍三百餘名。黃花甸之役李春光氏率部連戰數晝夜卒將敵人擊退斃敵七十餘名（內有少將一員）得獲軍用品無算，我方損失亦甚鉅。第九支隊張海川司令奮勇殺敵中彈殉難。敵以受創甚鉅，乃節節增援，而鄧鐵梅所佔據之沿海各鄉鎮遂相繼失守，李部不得已率隊回鳳，期圖再舉。及至防次，各友軍因日軍之壓迫，多半退走或變更計劃。李春光氏鑑於勢力單薄，不得不變更方針，實行秘密政治工作。乃令敖春元馬萬志謝銘軒圍生堂等部在安東之二三四區及鳳城之六區改編爲地方自衛團藉飾日人耳目，其餘各部則將整化零，各處遊擊。李春光氏則暗中策劃進行，不遺餘力。關於除奸偵探，又別有組織，並派精明同志多人，加入僞國軍警各機關，虛與周旋，既便於考查其內容，並可靈通消息。日軍雖有數次壓迫，然因應付得法，毫末損失。李春光氏在三角地一帶活動半載之久，日軍固不知也。

## 八 戰 史 下

李君春潤之二次東去，實在本年六月中。時塘沽協定已成立多日，華北抗日情勢，既極緩和，東北義軍更無人注意。李君乃益憤慨，決然東去，秘密由某海口附船以行。途中曾對押船兵發表如下之談話。略謂：『作救國事業應本一定不移的目標，向前邁進，總要戰勝環境，不教環境把我們自己征服。就是在我們目的靡有達到之前，不要看旁人氣短，我也心灰。今後無論國際對日空氣如何，政府對義軍有無接濟，國軍何時纔能動員，但是祇求我們各盡其心，各盡其力，窮幹下去，祇要人心不死，東北絕對不致於終亡。我們此次回防，所走的路非常危險，有甚於身臨前敵。萬一中途和倭寇遭遇，本人已具犧牲決心，和大家共赴危難。但總能從死裏求活路。』李君決心於此可見。

七月六日抵黃海某海岸着陸，化裝而行。從日僞軍警嚴重警戒并懸賞通緝之下竟能從容經過，李君之大無畏精神，至足欽佩。七日晚到達鳳城防地，乃弟春光，前往迎迓，為避免敵人注意計，是晚投宿山谷中之一農家，除召集重要官長外，其餘概未接見，亦未通知。至二十日君乃宣布就國民義勇軍遼東總指揮之職，蓋當其時各地義軍聯合編制已多不存在，不能不下萬分決心以此相號召也。君就國民義勇軍遼東總指揮後，即從事於編制訓練各事宜并時與重要部屬談話，勉



以大義。并於此時致內地，對邊南情形報告甚詳，錄原函如下：

某兄惠鑒，弟於七月十日安全到防，現對接收軍火辦法業經布置妥洽。茲將前方情況及應請舉辦之件，臚陳如左：

(一) 三六兩區，民氣最好，尤以六區為最佳。對我軍箠食壺漿，毫無怨言。惟三區自衛團總李常潤，認賊作父，妨害我軍，如我軍火到達不難剷除，如能佔領某地，將來運輸上可無障礙。

(二) 三角帶地失敗後，政治中心完全失掉，對於餉項，苦無來源。各部盼弟回防若望雲霓。詎有張垣之變，遲到一月有餘，前方誤信謠言，致有陶景文謝銘軒等部之降敵。自第回防，始相率來歸，聯合舍弟春光所屬之敖馬兩旅，已有大槍千餘枝。弟對三區擬用政治方法解決，必要時再以軍事處置。爾後將械彈撥給鄧鐵梅劉景文等部，并定期召集軍事會議。

(三) 對新賓桓仁通化寬甸四縣，早經派員前往指導，刻已開始工作。各該縣有槍五千餘枝多係六五，七九，兩種，俟與鄧劉會商後，即向該地區進展，繼向柳金輝濛等縣聯絡吉江。

(四) 應請編組但某種運輸隊一大隊，其編制……

(五) 請擇地訓練一部士兵以直魯豫三省人為最優，每期招募五十名，繼續訓練。其教官由某處聘請，教以戰鬥法則并熟習新武器之使用。

(六) 以前某路局工人有自願出關工作者，仍請繼續交涉，速為派遣前來。

(七) 茲派趙軍需官多三前往領款，該員人極忠厚，絕無其他，望推情照拂。

(八) 請廣為延攬迫擊砲機關槍射手派赴前方并多購大小槍

火速運來爲所禱盼。』……………

迨月之二十六日君接密報，知械彈船已到達附近之海口，即於八小時內將所屬附近四十里內之隊伍，集結一千四百餘名。次早三時出發，夜行晝息，於二十八日早四時到達某地，將軍火卸裝大車六十餘輛，乘馬五十餘匹，當時君對全體官兵，曾致訓詞，略述去歲赴平之經過及國內之情形，次謂收復東北我們同志各個有責。最後又云此次雖有大批軍火運到，大家不要徒恃武力，希望諸位同志要有堅忍不拔之志氣百折不撓之精神，方可談到救國之事業云云。三時半行抵曲家糖房，發現僞軍一連，於清水指導官指揮之下企圖截留軍火。經我隊施以猛烈痛擊，當繳得大槍二十七枝，子彈千餘粒，俘虜僞軍廿餘名，餘皆逃亡。二十九日早八時由宋家屯出發，至合隆大方紳一帶，突有日飛機數架，前來偵察，旋又折回安東。當接各地政治專員報告，南滿安奉沿線各守備隊及安鳳地區之僞軍，已全體出動，並由日滿當局飭令就近之日僞軍隨時堵截。時李君以環境惡劣恐不易潛伏，遂決心先發制人，行戰地內肅清之計畫。於三十日用主力軍殲滅紅旗街之僞軍，以其餘之一部牽掣龍王廟之敵，另一部掩護彈藥，縱列向安全地帶移動。至是抗日血戰乃又開始。茲將歷次戰况約舉於次。

### (一) 紅旗街之役

七月三十日早二時李君親率邵統帶景發全部特務團王團長靖國之一部及第一軍軍長李春光帶

敖師長春元之全部，由小徑迂迴敵之後方，均於九時到達，即開始對敵攻擊，激戰二小時。敵人一連被繳械，我軍於十一時衝進紅旗街，接收公安局及各機關。是役斃敵三名，傷數名，繳大小槍壹百餘枝，子彈萬餘粒，軍馬四匹，給養車三輛，軍用品無算。我軍二名負輕傷。即日君又率部向龍王廟推進。同時所派牽掣龍王廟日軍之任支隊長福祥全部業於早八時到達，馬家堡子監視日軍行動。十時許龍王廟日軍得紅旗街警報，敵約日軍二百餘僞軍三百餘由龍王廟出發，企圖應援紅旗街之敵軍，當被任支紅長迎頭痛擊，激戰二小時，敵不支退回龍王廟固守。陣亡日軍三名，僞軍數名，得獲步槍五支，子彈數百粒。我軍傷三名，亡一名，同日同時所派保護彈藥之步兵第六七兩團，由曹團長指揮向陶家溝一帶移動。

### (二) 龍王廟之役

七月三十一日早六時，我軍向龍王廟實行總攻擊。君指揮砲兵並親自射擊，激戰四小時，倭兵營被砲擊毀。任支隊長自東門攻入，特務團之一部機關槍隊由南門攻入，雙方死傷甚重。正午敵飛機六架，在龍王廟擲彈轟炸，並用機關槍掃射。又從鳳城開來日軍四百餘名，攜帶重砲野砲及其他重武器甚多，到達白旗地方停止，用砲火向龍王廟猛烈壓迫。君憫念商民損失慘重，遂於下午一時退出。此役日軍死三十餘名，傷無算。我軍獲步槍四十六枝，子彈三千餘粒，員兵十三陣人亡，九人負傷。君親自慰問各傷兵，並至各部隊訓話，對救護設備不周，至為慨嘆。雖連日作

戰，君之精神倍增，全體將士莫不敬服。尤堪欽佩者，君回防後竟能徒步轉戰，以騎兵目標既大，糜費亦多故也。

### （三）東上坡之役

敵因日來受重創，乃由湯山城五龍背開來日軍三百名，僞軍五百名，向龍王廟推進。君於偵得敵情後，即派任支隊長前往迎擊，激戰六小時，日僞軍不支向龍王廟東北叢家大溝一帶逃竄。任支隊長追至藍旗堡時，天已昏黑，乃返馬家堡子宿營。龍王廟之敵因日軍未能到達，乃用飛機掩護數次出擊。君於砲火之下，持最鎮靜之態度，指揮各部隊死力抵抗，敵終未得逞，仍退龍王廟街固守。是役也計斃日軍十餘名，傷七八名，得獲步槍九支，子彈一千餘粒，義軍陣亡四人，傷九人。

### （四）謝家嶺之役

八月二日，據密探報告由安東開來日軍四百餘名，大車五十餘輛，均攜帶重武器，昨晚到達大方紳宿營，有向龍王廟開進情事。君於接得報告後，立時召集全體官兵講話鼓勵士氣。並主派敵師長春元率所屬全部聯合統帶景發之一部，及特務團一部，歸李軍長春光指揮，向敵方前進。李君自率任支隊長全部合衛戍隊及特務團之一部，逼進龍王廟附近，以牽掣其應援。李軍長於九時半在謝家嶺與敵發生遭遇戰。邵統帶親率所部猛烈攻擊，戰約二小時，雙方傷亡甚重。邵

統帶右腿負傷。適敵又來飛機三架，參加作戰。而停泊北井子海岸之日軍艦三艘，亦鳴砲示威。李軍長乃率教師長全部衝鋒數次，白刃交接，至爲劇烈。下午二時突破敵之正面，敵國聯絡中斷，乃於下午三時許向大東溝方面潰退。我軍以一部進擊，其餘搜索敵人陣地。計斃敵七十餘名，負傷無算，獲得步槍四十二支，彈藥軍七輛，給養車十二輛，軍馬六匹，軍用品甚多。並擊毀敵機兩架，銅砲一門。我軍陣亡官兵十七名，負輕重傷者二十二名。是日各方面之敵，紛紛向龍王廟集中，遂令各部在三家子打家溝一帶構築陣地，防禦應援之敵西進。以一部圍攻龍王廟，使其不得聯絡。敵出飛機三架，大施轟炸，傷農民二名，斃我軍一名。當時君猶親至各處指導工作，並時而親自執器作形，指導構築之方法，雖飛機肆虐不之顧也。

### (五) 賒里溝之役

八月四日早二時，據確報謂日軍二百名，僞軍七百名，（由團長率領）隨帶軍馬四十四匹，大車十餘輛，由鳳城開來，昨晚八時到達白旗堡宿營，有向龍王廟開進之情事。李君率教師全部及特務團衛戍隊於五時出發，行抵賒里溝口與敵遭遇，激戰一時許，將僞軍一部廿餘人繳械。叢家大溝之日軍二百餘則由西面增援，又有僞軍一營，昨晚由高方門開至吳家溝，由東面增援。復飛來日機兩架助戰。我軍三面受敵，恐受嚴重包圍，乃於下午二時要向德奎方向轉進。惟所俘虜之溝軍連附一員，士兵三十一名，多係君之舊部，仍即釋還，並致函僞警備司令赫劍芒痛告利害促

其反正。由是僞軍對我軍時有代表往還，訂互不侵犯之約，並用記號爲証。是役我軍陣亡官兵八名，傷十一名，敵人傷亡不明。

### (六)大李家堡之役

我軍因連日苦戰，將士疲憊，惟奮鬥之精神不曾稍減，而日方因屢受挫敗，對我已下決心爲大舉之討伐。八月七日晨，在長泡子發見日軍二百餘，僞軍一營(約三百)，向我勇進攻，早九時與李部發生衝突。敵師長出奇兵襲擊之。日兵十餘名盡被殲滅。正激戰中，由我軍後方繞來敵人數百名，將將敵誘至干溝子施以夾擊，敵受重創。下午四時退回大李家堡。任支隊長之一部因劫敵彈藥給養車，被敵機關彈炸斃七名，傷四名。是役敵斃三十餘名傷無算。我軍死九名，傷七名。

李隊自七月末與敵接戰，已苦戰旬日，我軍以無援之孤軍，在日僞大軍陸空脅迫之下，應付自極艱困。乃李君決心殺敵，之死靡他，卒至塔溝之役，犧牲最大，嗚呼！亦壯矣哉！

## 九 殉 難

李部自大家堡子對倭苦戰，與以重大打擊後，倭軍乃改用包圍方式集合各部隊向李軍壓迫。而李部亦豪情憤激，決與倭軍作殊死戰。雙方最後乃發生塔溝空前未有之血戰，李部既有壯烈之犧牲，李君遂受重創，終乃以身殉國矣。

殉

難

(一) 塔溝空前血戰

李部自得倭軍將用包圍方式來襲之耗，亦即變更應付戰略。令邵統帶之全部及步兵第六（團長于慶新）七（團長王金之）兩團，赴四台子鳳凰城高力門湯山城等處，實行破壞工作。任支隊長赴沙力寨哨子河一帶肅清日僞駐軍，藉以牽掣其兵力。是時敵軍又調集精銳在南滿安奉兩線固守，以一部千餘名分三縱隊向我總預備隊進攻。八月十七日上午八時，沙金廠發見日軍三百餘。我軍總預備隊放師衛隊連全部百餘人，總部衛戍隊二百餘人及特務團（欠兩營）偵得敵情後，即聯合前往迎擊。於上午十時在塔溝與日軍接觸，戰約二小時後，敵由安東飛來爆炸機三架，戰鬥機三架向我軍主力轟炸。並用機關槍循環掃射。同時又由大李家堡方面開到日軍二百餘名，渾水泡方面開來日軍三百餘名，經我軍猛烈抵抗，至下午三時許，李君親率衛戍隊攻擊敵之左側，雙方戰鬥異常激烈。李君卒因衝鋒前進，不幸左股上部竟受銃傷，復被日兵擲手榴彈炸傷創深約三寸，骨肉橫飛，血流不止，狀乃至慘。經乃弟（李軍長春光）一面指揮隊伍抗敵，一面派人救護下山；送秘密地點療治。是役我軍損失奇重，營長鄭安鈞及副官王某等二人，連附吳某于某等三人，士兵八人，均殉難。負傷官兵十餘名。但擊斃日軍小彬少將司令官一人，伊藤中佐一人，中村及井原大尉兩人，士兵傷亡者尤重。故日軍認爲九一八後在遼東空前未有之劇戰，曾在塔溝建忠魂碑以資紀念。則李部是役之壯烈犧牲，可想見矣。

## (二) 壯烈殉國

李君負傷甚重，在戰地復無救護設備，不得已乃密令第一師師長敖春元暫代總指揮職。於九月五日由君弟春光率武裝士兵十餘人，潛自某海口雇漁船護送渡黃海西來。途遇逆風，行八晝夜，始抵某海口，時君之傷勢已漸瀕危殆。及十二日着陸後，始入某醫院就醫，事爲倭領所聞，乃又來作祟。翌晨又遷入另一醫院。時國內友好，多馳電慰問。李君亦切盼傷愈，早日回防工作，堅請該院施行離斷術，并強迫其弟簽字許可。定於次晨施行手術。當晚君自知危險，因對其弟詳籌以後工作步驟，及身後辦法，并書遺囑如左：

余傷勢日趨險惡，現雖施行離斷術，亦不過作萬一之想。倘有不測，喪葬當力求簡密，切勿影響外交。現寇氛益熾，國難未已，春光弟與諸同志仍應貫徹主張，繼續奮鬥，以期最後成功，則余爲國家民族而犧牲，死亦何憾。此囑！

迨十四日上午十時施行手術後，君病體日久，弱不能支，不及一小時而竟溘然長逝矣。計君自離平回防，決心殺敵，迄今纔三月耳，乃出師未捷，竟齋志以終，可不痛哉！君歿後，乃弟春光與參謀長張文煥等，爲之籌備後事。卒限於環境，將君柩暫浮厝於某海岸某山之麓。蓋君地下有靈，固猶可隔海東望，遙矚其同志輩之壯烈殺敵也。嗚呼痛哉！

## (三) 精神不死

殉



李君殉國之後，乃弟春光，因國仇家恨，義奮填膺，誓志回防，繼續奮鬥，以求最後之勝利。當即先派副官長敖鐵男帶隨員數人先行潛回防地，處理前方事宜。而自李君離防後敖師長統率各部，在三角地帶相機活動，四出遊擊，使倭軍迄未得寧，故李君之西來而倭固未之知也（參觀倭報所載當益明瞭）。因是倭軍乃又調集僞軍王鳳鳴（奉天省城公安第一大隊）三百餘名，向三角地帶出發。於十月六日與敖部春元發生衝突。在安東縣二區大東溝處雙方激戰終日，卒被敖部擊退，斃僞軍二十餘名，大隊長王鳳鳴兩腿負重傷，我方傷亡官兵十餘員。迨至十日在日本清水指導官指揮下又有安東公安隊大隊長郝東坡率部二百餘，並日軍七十餘，與我部邵統帶景發部在油盤溝一帶發生激烈戰。邵部用迂迴方式，將敵包圍。是役也，敵傷亡極鉅，幾潰不成軍。清水指導官被冲散，數日後始逃回安東。大隊長郝東坡當日已被擊斃。至今雙方猶在對峙中。嗟乎！李君既為國捐軀，而其弟春光及同志等，尤能繼續奮鬥，不因環境惡化而萌退志，則君之精神，可謂不死矣！

## 十 遺 蹟

### （一）致某同志書

（上略）我軍欲佔領清原東趨解決于部逆軍，以免將來大軍西上有後顧之憂，計畫已定，因將

所部步兵第十六七兩團騎兵團武術隊開往新清界上風，倒樹溝七道河子一帶。佈置既畢，乃於六月十五日派第一支隊司令雷富海破壞清原就近鐵道及橋梁，派獨立第四團團長李大光在南口前一帶同樣工作。當即炸壞南口前橋梁一道，東西拔毀鐵道數段，共約十餘里。日軍聞警，由瀋陽開來鈔甲車三輛，掩護復修，被雷司令等武力擾亂，竟延至數日，始得通車。日軍憤甚乃由南口前發來軍隊六百人，行至清原境之黑牛村，被十七團偵知，團長何俊彥督隊前往。日軍用其銳利槍砲向我軍猛撲，我軍沈着應敵，激戰一晝夜。結果日軍不支，向北退去，傷亡官兵二十餘人。我軍損失甚微。斯時本溪縣親日派之孟凌雲與鍾子忱部，乘機圖謀截我後方，肆行擾亂不得已乃令第十八團及補充第一團開往葦子峪金斗峪一帶防堵，二逆因未得逞。詎知在瀋日軍，偵得我新賓防地空虛，遂派靖安游擊隊兩千人，（內有華人紅袖頭日人朝鮮人三種）帶輕重機關槍四十架，各種利砲二十門，潛由南雜木下車，星夜前來。當時我軍僅餘衛隊一營，由春親自率往迎戰，十九日在老城一帶接仗，日軍砲火既屬猛烈，復藉飛機擲彈，實行掩護，彈聲貫耳，硝烟漲天。惟我軍士各懷必死之心，衝鋒前進，吶喊聲中鏖日軍官剿匪副司令中佐一員，少佐一大尉二少尉與士兵四十餘人。又當前方苦戰之際，敵軍飛機二架到縣街亂行擲彈，共炸毀商民房屋四十餘間，傷亡商民十餘人。前方敵衆我寡，器械懸殊，爲保存實力，不能久戰，後方又不忍殃及民衆，損耗元氣，遂於下午四時將全部撤至旺清門趕急補充整頓以謀反攻。更慘不忍言者，敵人自佔領新

城後，暗將我國知識階級及富有愛國思想份子殺害一百餘名。其他善良商民被殺戮者，亦有二十餘人。因此春及部屬，義憤填胸，萬難容忍。遂於六月二十二日晚九時又對所屬各部隊下總攻擊令。二十三日拂曉我軍分東北南三面>New賓縣城施以猛烈攻擊。迨上午八時許，敵不能支，遽向清原方面退却。我軍尾追，轉將戰至一面山一帶，敵人縱有最猛烈之砲火，及用飛機掩護，但因地理不熟，深入夾谷中。更兼我軍節節堵截，卒被截留輜重車三十餘輛，并獲槍砲若干，斃敵二十一名。現在敵向四道溝退却，我軍仍在追擊中。將來戰況如何，俟結束後再陳。（二十一年六月二十七日）

### （一一）再致某同志書

（上略）潤等舉事以來，瞬經兩月，關於編制隊伍籌劃軍實，改良補救，殊費周章。在此兩月之間，三次作戰，雖械彈缺乏，而士卒用命，萬衆一心，周旋戰場，誓死不渝。最後日軍來攻縣城，我軍奮不顧身，殺敵數十人，包圍五日，敵人始抵清原。即此人心結合，足令倭奴喪膽，預測前途，尚有光復之望。在日軍入新以前，敵機三架破壞縣街，炸毀房屋約五十間，死傷十餘人。一般民衆因恐飛機重來，相率逃避，現大小商號及民戶各留看守者一二人，市井蕭條，頓呈淒涼之態。蒿目時艱，良用惻然。惟是商業停頓，影響稅收。敵路軍費，苦無的款可籌。自改編以來，從未發薪。值茲公帑竭蹶，一籌莫展，長此一往，軍心渙散，難望收拾。自衛軍之前途

，非惟不能擴大，轉恐無形瓦解，殊可爲慮。我公熱誠救國，素所欽遲，務請以國家人民爲重，設法維持，對於敵路軍費，可否轉請源源接濟。衆志成城，共襄此舉，想大君子見義勇爲，當不鄙人專美也。如何之處，佇盼裁答。（二十一年六月二十九日）

### （三）告海內外同胞書

（上略）自東北淪陷，已十閱月，倭奴肆意焚殺淫掠之種種慘狀，諸同胞或得之於傳聞，或得之於目覩，想早洞悉無遺矣。茲將我自衛軍現在之困難，與急切之盼望，願當大家陳之。本軍旨宗專在外抗強權，以救國家之危亡；內清盜匪，以安人民之生業。當去歲事變之初，即蓄此念。無如毫無準備，以致徒有救國之心，嘆無殺敵之力。因特秘密聯絡，積極組織；不意方具雛形，強敵驟至，倉迫應戰，困難萬分。幸賴將士用命，連破勁敵，雖無大捷，亦令倭奴喪胆，此則差堪告慰全國同胞者也。惟當戰役之後，新島市井蕭條，百業停頓，關於軍餉，羅掘已窮。益以新邑南接本溪，北連清原，西隣撫順，三面受敵，槍械彈藥，四無來源。雖本軍官兵救國心切，不計新餉，然彈藥服裝，給養等項，均爲治軍作戰必要之品。既苦無款購買，無處接濟，其將何以自衛更何以應敵。况一轉瞬間，金風立至，嚴寒隨來，草木枯落，無可隱藏，本軍不死於飢寒所迫，終亦被敵解決。但被敵解決之後，如國內軍隊仍能單獨收回東北，則我自衛軍雖全體覆滅，亦無所憾；倘無自衛軍之應援，東北終不免於亡，則全國同胞即應急起相助。誠以東北者

本爲中國之東北，若東北一失，內地終亦難保，本軍刻已抱定決心，與東北共存亡。夙仰諸同胞痛恨倭奴，不滅吾輩，復地雪恥，具有同情。須知本軍壽命之久暫，全視彈藥等項之有無接濟以爲斷；而關內出兵之遲早，尤有密切關係。爲我自衛軍計，爲東北之土地與民衆計，務懇全國同胞速起響應，或予以精神上之援助，或予以物質上之援助，以免本軍有無米爲炊之嘆，同時更懇積極催促中央，尅日出兵，以期乘本軍一息尙存之日，獲內外夾攻之利；否則唇亡齒寒，噬臍何及，千鈞一髮，時不可失，臨書涕泣，不勝迫切佇盼之至。遼寧民衆自衛軍駐新賓副司令兼第六路司令李春潤（二十一年七月十日）。

#### （四）電全國各將領

（上略）倭奴肆虐，強佔東北，謬假民意，締造僞國，鐵蹄所履，黎庶無存，誅戮之慘，不忍言喻。春潤圓身戎行，能諺名微，惟痛亡國覆宗之禍，竊效渡江擊楫之舉，爰導民衆，抗日自衛，一隅淨土，三面環敵，械缺彈寡，迭經劇戰，屍積蔓草，血染荒沙。卒賴士氣激勵，衆志成城，遏彼兇焰，莫能放縱，新賓之門戶未失，諸路之根據以固。現嚴守陣地，以待軍興。無如烽火阻隔，消息失靈，西望榆關，征檄無聞。蓋國人心理，期重和平，以中日交涉，宜聽國聯之折衝，免兵戈之浩劫。無如人情袒勢，公理難伸，我忍痛以待，彼積極以謀：曠土鐵路，喪失無遺，近且佔領海關，奪取郵政，取其門戶開放，機會均等之言而并食之，恣睢傲慢，尙何國際公理

之有。夫東北疆土，中華民國之疆土也，復地雪恥，中華國民之責任也，丈夫立業，豈受人憐？自事變以來，黨國元勳，革命烈士，皆以外侮爲念，早息鬩牆之爭。今此青山叢莽，障設天然，地利人和，時不可再。夙諗諸公久擁節旄，頻年內戰，罔不效命。值此滄海橫流，神州陸沉，誓師赴難，豈容反顧？諸公內審職責，外察大勢，一致聲討，撻彼兇頑。春潤不才，許身黨國，負弩前驅，指揮全部自衛軍，策應西上，會師遼東，掃蕩妖氛，以期天佑中國，收復河山，即馬革裹屍，如願以償。若其不然，我自衛軍俯臨一隅，餉械無援，展轉秋冬，凍餒可虞。三千萬衆愛國健兒，不粉身於硝烟彈雨，而葬屍於血窖冰天，抵抗力減，戰期延宕，倘大好河山，永淪異域，吾輩軍人，何以爲顏？嗟呼，風淒雨晦，險象日逼，暴日決心於八月一日以武力接收郵局，此電去後，消息隔絕。惟盼燕雲金鼓，早震遼東，執戈同仇，廓清有待，揮淚陳詞，不勝屏營待命之至。遼寧民衆自衛軍駐新賓副司令兼第六路司令李春潤刪印，（二十一年七月十五日。）

#### （五）上某要人書

（上略）本路自上月反攻，取得新賓之後，即積極於整軍經武，以圖大舉。個月以來，實力漸見充裕，軍心差堪作戰，決意先將清原南雜木及營盤等處之敵，掃清障礙，免憂後顧，以便再取撫順千金寨以及本溪，相機佔領瀋陽，明日午後二時，由新賓出兵，分向清南營三處進攻，誠不敢因循悞時機也。惟以邇來金風入律，東邊早涼，各部隊之單衣，尙未全然換棉，急待籌備，以

遺

跋

致風餐露宿，士卒單寒，三軍乏挾纊之歡，一鼓滅作氣之勇，馴至霜辰，尤堪長慮，此被服無着之難關也。以言戎機，首資彈藥，潤自倡義，數月於茲，個人之力已盡，地方之財已窮；無分文的款之收，無絲毫補助之至，空拳獨運，徒喚奈何，而彈藥之購買，尤非現款不辦，點金乏術，無米難炊，此彈藥缺乏之難關也。伏懇鈞座設法救濟，以竟其功。遠地長嘶，爲民請命，臨風迫切，不知所云，佇候大命，敬請崇安。遼寧民衆自衛軍駐新賓副司令兼第六路司令李春潤謹肅。

(八月十九日)

### (六) 呈某抗日救國團體文

爲遼陳就沿海各要地，請由鈞會設立秘密機關，以便轉運軍火事。竊查我東北義勇軍第二三軍團工作區域，緊相毗連，位置遼寧南端，南西兩面濱海，東部與朝鮮爲界，地位既屬偏僻，交通尤感不便。而此兩軍團年來工作最爲出力，推以軍火運輸之困難，無法補救，以致去冬相繼失敗。雖僅餘鄧李劉張等部，勉強支持，若不設積極與其補送軍火，一旦彈盡援絕，必至同歸於盡。屆時民衆失望，人心已失，再圖恢復，更非易事。矧此軍團工作區域，在抗日戰略上，佔重要之位置，北窺長春，西望遼寧，東南兩方可隨時切斷遼海南滿安奉鐵道網，破壞交通，使其軍運不得自由，亂擾後方，可隨時劫其輜重，必要時以此兩軍團作爲犧牲部隊，亦足牽掣敵之大部份軍隊，而使我軍正面容易發展。尤有進者，現代科學昌明，殺人利器，日漸進化。就戰術言，由

線之戰鬥而進於面之戰鬥，由面之戰鬥又進於體之戰鬥，游動戰變而為陣地戰，砲火戰而附雜瓦斯戰，無觀測，無試射，罔不各盡其極。非有訓練之軍隊，決不可使用於戰場。如魏之赤壁，秦之泃水，即其例也。是以義勇軍之為用也，僅可當敵之側或繞敵之背，無須用於戰場也。現寇侵榆關，復覬覦九門口及熱河，預料今之戰場，應在熱邊古北口互於榆關之綫，或延長至塘沽而及於天津。在此範圍內之義軍，應急速給與充分之補濟，盡數開出範圍以外，儘量工作而第二三軍團亦宜以全力補充，俾得加緊其工作。其補充之方法，首在辦理運輸。惟是此兩軍團皆均處倭奴權威之下，所受壓迫最甚，絕無協助運輸之可能。一言遼西方面，義軍多半退避熱境，且有日軍盤據遼熱之交，對於運輸，尤所難能。以最近情況觀察，除由海道運輸而外，絕無他途。然以我國海軍之幼稚，在領海內並無相當之保障，即能冒險運過一次，爾後海岸亦必立被封鎖。欲謀久遠計，莫若……救國前途，庶乎有豸。謹就管見所及，披瀝上陳，計畫書另文摺呈閱。（二十二年一月七日）


### （七）告留察所屬前自衛軍將士書

遼寧民衆自衛軍第六路留察將士們！自余到鳳城，旋從大洋裏坐着帆船橫渡黃海，走了半個多月，到達威海衛，轉赴天津，而達北平。本意即時將槍砲領下就回東邊，不料械彈領下後，天氣已冷，海岸結冰，靡能如願，致將諸位同志羈留遼東，實在覺得對不起。但是在這種實在情況



之下，我想就是你們設身處地，也許靡有辦法。現在你們不辭勞苦，開進熱河，又到濁石口，余之本意擬即前往熱河，敬致慰問。惟以現下王司令全一回防之際，先派李參謀卿春送給你們每人一點東西，余在此將主要事項稍為結束後，即行回防，繼續抗日，余決不久在北平，置大家於不顧，希望諸同志安心等候為盼！（四月十五日）

李春潤抗日殉國紀實終



6  
4-11-13